

12.

~~12~~

39442/A

Est. S. X. pt. Valentine

1758-

P. 24.

~~7~~ 2

D E
D U R A
M E N I N G E .

OF
D U R A
M E N I N G E

A N T O N I I

PACCHIONI REGIENSIS

Philosophi , & Medici

DE DURAE MENINGIS

Fabrica & Usu

DISQUISITIO ANATOMICA,

ILLUSTRISS. CLARISSIMOQUE

V I R O

D. JO: MARIÆ

LANCISIO


SANCTISS. D. N.

CLEMENTIS

XI. PONT. MAX.

Intimo Cubiculario , & Medico à Secretis,
Archiatro Collegiali , nec-non in Romano
Archilyceo, Publico Practicæ Professore.

D.



Romæ, Typis D. A. Herculis in via Parionis . 1761.

SUPERIORUM PERMISSU.

Enig Langrand



ILLUSTRISSIMO
CLARISSIMOQUE VIRO
D. JO: MARIÆ
LANCISIO

Antonius Pacchionus F.



ANC Fabricam , non
quidem humanæ archite-
cturæ industriâ erectam ,
sed mirabili Dei sapientiâ
in ipsius τῆ μηχανόσπου ,
hominis , inquam , vertice , undè om-
nia corporis , ac mentis pendent offi-
cia , omnipotenti dexterâ constructam ;
quam ego impar viribus perlustrare
tentavi , non temerè tuo Nomine in-
scriptam volui . Quandoquidem ut hanc
tractationem de duræ Meningis stru-
cturâ variis Experimentis , atque Ob-
servatis concinnatam Tibi sistam , non

desiderio, vel ambitu (licèt-perhone-
sto) captandi favorem devincor, sed
planè ut fartam, & tectam, ut ajunt,
eam fabricam conerves. Par equidem
erat, & operis argumento consen-
taneum, Te rei medicæ consultissi-
mum, Tuique splendorem Nominis
advocare, cujus fama non intra hujus,
quantumvis maximæ Urbis ambitum
terminatur, sed in alias longè late-
que diffitas regiones diffunditur. Eam
nominis claritatem debes non minùs
ingenii, quo vales, acumini, quàm
assiduæ, ac indefessæ Librorum lectio-
ni, & naturali observationi, quibus
ad recondita, magisque remota Coi
Senis, & Artis penetralia, quæ vix
ingravescenti ætati patent, in ipsâ ado-
lescentiâ, & quasi dicam, pueritiâ,
Tibi aditum reserasti. Prætereo alias
scientias, quibus mentem exornas,
Prudentiam, Comitatem cum elegan-
tiâ,

tiâ , & morum gravitate conjunctam ,
aliasque Virtutes , & animi dotes , qui-
bus in Urbe Urbium Principe ad hono-
rum fastigia non tam evectus , quàm
exoptatus ascendis ; qui probè norim ,
talem Tibi esse animum , qui laude
nullâ crescat , nullâ minuatur invidiâ .
Patere tamen , quòd , dum ego veras
laudes persequor , paulò ampliùs abu-
tar verecundiâ tuâ , cò enim deducor ,
quòd sciam multùm momenti habere
apud eos , quorum animos virtutum
amor accendit , quòd nobilibus exem-
plis ad rectè vivendum excitentur . Duo
itaque silentio involvere non debeo ,
quæ maximè Tuum Nomen seræ po-
steritati conservabunt . Primum quòd
sanctæ memoriæ INNOCENTIUS XI.
Tibi adolescentiam vix egresso , suam
salutem credidit . Huic tanti Pontificis ,
tantique Viri , de Te efformato judi-
cio accedit secundum , quòd Te iterum

in pristinum honorem Pontificii Medici ascivit CLEMENS XI. PONT. MAXIMUS, quod est supremæ dignitatis, & quod humanas laudes excelsit, OPTIMUS, quod est cœlestium ejus Virtutum.

Cæterum hæc Lucubrationes, Vir Clarissime, Tibi addictas boni consule, Tuoque patrocinio fove, & cum graviores curæ quippiam remittent, eas transcurrere ne graveris, perhumaniter indulgens, ubi me offendisse comperies; Spartam enim aliis intactam aggredi ausus, diu mihi inter tenebras immorandum potius, quàm incedendum fuit, non quidem captandæ laudis ergò, sed studio dumtaxat publico bono nonnihil conferendi, si discussâ veteri caligine, datum sit mihi aliquod veritatis lumen detegere. An autem intra conatum constiterim, vel longiùs inde discesserim, tuum erit judicium,

dicium, quo nil mihi jucundius, &
utilius evenire poterit, si observata
hæc probanda, vel reponenda censeas.
Tuis interim optatis faveat AÆternus re-
rum Arbiter, & Pacchionum tuum
amare perge.

Romæ prid. Kal. Decembres Anno
MDCCCL.



TYPOGRAPHUS LECTORI.



*PRODIIIT Venetiis elapso
Mense Aprilis epistola, in
qua æquilibrium fluido-
rum, ac solidorum, ho-
rumque vim, & morbos,
nec-non duræ Meningis fabricam, usum-
que continens opus, Auctor promiserat.
Sed dum has lucubrationes ad finem per-
ductas proferre in lucem properabat, va-
riis graviter egrotantium morbis, aliis-
que externis, ac domesticis curis, quæ ip-
sarum editioni obversabantur, impedi-
tus, animum ab eâ retrahere coactus fuit,
ac magis opportunum tempus, & otia
statuerat expectanda. Verùm longioris
moræ impatiens amicorum affectus Au-*

ctorem

*ctorem impulit , ut tempori serviens non
omnia , quæ pollicitus est , prælo manda-
ret ; sed banc ex toto opere partem segre-
garet : quam si jucundâ fronte exceperis ,
aliâ frui quamprimum poteris . Vale .*



AUCTORIS MONITUM.



LACERTI Nomen , etsi parti musculosæ communiter tribuatur , placuit nihilominus conspicuos quosdam fibrarum manipulos , in durâ Meninge sparsim repertos , ob structuræ , & usûs similitudinem , ità indigitare . Quod , ad vitandas , in sequentibus , vocum controversias , dictum volui .



APPROBATIO.

EXatissimam in minimis circà duram Meningem perscrutandis D: Antoni Pacchioni diligentiam miror; studiosos circà rem Anatomicam illius conatus laudo; quæ nunc scripsit, probo; & ex his, ea quæ deinde editurus est, majori probatione, majorique laude dignissima spero.

*Bartholomeus Santinellus ex Romani
Collegii Archiatri.*

Imprimatur ,

Si videbitur Reverendis. P. Mag. Sac.
Pal. Apost.

*D. de Zaulis Episcopus Verulanus
Vicesgerens .*

Imprimatur ,

Fr. Paulinus Bernardinius Ord. Prædic.
Sac. Pal. Apost. Mag.

I N D E X

C A P I T U M .

C A P U T I.

De Duræ Meningis humane Fabricâ. pag. 1.

C A P U T II.

De Durâ Brutorum aliquot Meninge, observata. pag. 21.

C A P U T III.

De duræ Meningis cum Cranio Adhæssionibus. pag. 27.

C A P U T IV.

Circa duræ Meningis usum conjectura. p. 38.

C A P U T V.

Experimenta, & observata practico-anatomica ad duræ Meningis usum roborandum spectantia. pag. 97.

EXPERIMENTA AUCTORIS.

<i>Experimentum I.</i>	pag. 98.
<i>Experimentum II.</i>	pag. 100.
<i>Experimentum III.</i>	pag. 102.
<i>Experimentum IV.</i>	pag. 103.
<i>Observatio experimentalis.</i>	pag. 104.
<i>Observatio altera.</i>	ibidem.

EXPERIM. COMMUNICATA.

<i>Experimentum I.</i>	pag. 107.
<i>Experimentum II.</i>	pag. 109.
<i>Experimentum III.</i>	ibidem.
<i>Experimentum IV.</i>	pag. 110.
<i>Experimentum V.</i>	pag. 111.

OBSERUATA AUCTORIS.

<i>Observatum I.</i>	pag. 113.
<i>Observatum II.</i>	pag. 115.
<i>Observatum III.</i>	pag. 117.

C A P U T VI.

<i>Ad exposita Experimenta , & observata , Animadversiones .</i>	pag. 119.
<i>Figurarum omnium , ad duram Menin- gem spectantium , Expositio .</i>	pag. 129.

FINIS INDICIS.

DURÆ MENINGIS

DETECTA NUPERRIMÈ

FABRICA, ET USUS

EXPONITUR.

CAPUT I.

*De Duræ Meningis humanæ
Fabricâ.*

XIMUM sanè, præcæteris humani corporis partibus, capitis opificium, ac loci eminentia, sagaciorum non minùs anatomes cultorum indaginem, quàm arcana Poëtarum, Priscorumque sibi promeruit mysteria. Hi Palladem ex eo oriundam, tamquam in sacratâ arce immorari commentati sunt. Illi verò, post scrutatam partis materiam, ex mirando propemodum totius cerebri, ejusque appendicum contextu, ad id muneris, nec immeritò, evexere; ut non somniatæ Palladis, ast Animæ electum, ac magis decens habitaculum as-

A

ferre-

seruerint. Equidem ab hoc tam digno tot Sapientum decreto, nec latum unguem recedere ausus sum; quoties moveri, & sentire, quin & ipsum *Velle*, & *Nolle*, ex capite quodammodo, quibusdam veluti retinaculis regi, ac promanare animadverti. Id nos abundè docent pleræque idiopathicæ hujus partis ægritudines, Epilepsiæ, Apoplexiæ, Stupiditates, aliique, multò levioris etiam notæ, morbi; quorum præsentia, primove invasionis puncto, aliqua ex præfatis, vel omnis facultas confunditur, aut aboletur. Hæc penès me in dies invalescit opinio; cum intra cranium, his muneribus sustinendis, magis aptum Animæ instrumentum inspicio; quo non tantum ob materiæ firmitudinem, sed & ob mirabilem texturam (quam ad hanc usque diem superficiiei simplicitate occultavit) quodlibet utriusque naturæ statûs phænomenon rectè satis intelligere, ac explanare possibile fit. Hujus autem census duram Meningem esse arbitror; cujus nobilitatem, ex altiori ejusdem sede, profusiori quaquaversum per partes extensione, & ex practico-anatomicâ inspectione; ex his inquam omnibus, tanquam ex evidentissimo argumento, conjiciebam; quibus investigandi libido extremam manum imposuisse visa est; meque quodammodo inermem, ad ejus
 velu-

veluti propugnaculum, impulit : quod , non temerè quidem, sed eâ , quæ Philosophum decet , humanâ , ac naturæ amicâ magis , methodo , conabor explere .

Cranio resecto statim se se exhibet dura Meninx , quæ primâ quidem facie rudem , ac panni linei densioris , texturam repræsentat ; in extimâ superficie asperiores , in concavâ magis lævigatam : si , prout extrâ morbosum statum constituta est , eandem inspexeris , sive acutâ acie , seu microscopio munitus , vix quidpiam scitu dignum in eâ detegere , aut observare poteris ; sicuti ad hanc usque diem à nemine , quod viderim , nec notatum , nec apertum conspicias : Si tamen , quæ post tot observationes , ac impensos labores quærenti mihi , & arte , veluti per vim extorquenti , natura tandem aperuit , palam , facere libertas conceditur ; plurima non mediocris momenti , eâ , quâ incessi in observando , methodo , candidè exponam .

Duræ Meningis fabrica (quantum ipse nudis oculis , & microscopio , & naturæ vel invitæ adminiculo , conspiciere potui) cordis texturam quâdam ratione æmulatur ; ut cor sui generis structurâ , & probabiliter etiam usu , nuncupari mereatur . Habet enim & ipsa proprios fibrarum ordines adverso ductu incedentes , ac invicem superstratos , mi-

roque artificio contextos ; validos quoque in concavâ superficie lacertos ; quibus unanimiter motuum suorum munia , atque necessitatem adimpleat . Quæ singula , ut rei gravitas exigit , ordine demonstranda veniunt , atque probanda .

Si ea , quæ in durâ Meninge , per se conspicua sunt , spectemus ; ipsam in quatuor satis amplas cavitates , veluti tot ventriculos , dirimi conspiciemus , quibus cerebri , ac cerebelli partes dextram , & sinistram circumquaque amplexatur , investit , & proprio *septo medio* dividit : adest , præter falcem mesforiam , & cerebelli *septum medium* , utrinque ad posteriora falcis latera , septum unum cerebrum à cerebello sejungens ; supra cujus dorsum , sinus lateralis , sanguinem ad jugularem deonerans , perreptat : Septum hoc , seu potius , *Interseptum* , ex duplicaturâ pariter Meningis , sicut & falx , construitur ; undè robustum valdè existit ; & quâ cerebrum in spinam elongari incipit , tendinis instar crassum apparet : in utrâque sui superficie , peculiarem habet & fibrarum , aut lacertorum texturam : quapropter tamquam cor , quatuor habens ventriculos , aut duplicis cordis instar , cerebro , & cerebello inservientis , per quandam analogiam (haud tamen inanem cogitandi speciem) assumi potest præfata Meninx .

Pars

Pars igitur interior , seu concava superficies , quâ cerebrum contegitur , perscrutanda venit : primum occurrunt lacerti , ex innumeris , & validissimis fibris , manipulatim coëuntibus constructi ; quorum exortus , tendentia , connexio , atque figura , non ubique , nec in omnibus similis est . Utrunque ad falcis messoriae dorsum , per distantiam duorum fermè digitorum transversalium , mirari subit filamenta crassa acuminata , & inæquali principio inserta , à durâ Meninge derivari , quæ sensim accedendo , ad falcis radicem (ubi Meninx duplicaturam exorditur , & sinus longitudinalis excurrit) incedunt ; ubi mutuò , & densius implicata , ac delicati instar ligamenti compacta , se se ulterius hinc inde diffundunt , partim obliquè ad inferiora per ipsammet falcem , partim ad anteriora , ac posteriora ejusdem producta ; ut maximam falcis partem constituent ; donec anteriùs in os Ethmoideum , posteriùs verò in subrotundum tendinem , falcis messoriae terminum , ducantur , & desinant : anterior lacertus à crista galli tres circiter transversos digitos distans , cæteris brevior est : quamplures fibras crassiusculas parallellas , ferè arcuatim per utraque falcis latera , ad os usque cribriforme (in quem falx ipsa tendineo reticularique principio inferi-

tur) emittit; alteram fibrarum portionem, per falcem spargens, alteram verò in proximiorē lacertum inferens: subsequentes è tergo lacerti exposito gradatim longiores evadunt: in medio ipsorum excursu ad latera sinûs longitudinalis quodammodò tendineï fiunt, & paulò inferiùs per fibras invicem communicantes, alter alteri alligatur, ita ut anteriores potiorem fibrarum seriem, ad anteriora, posteriores ad posteriora falcis amandent, & totum ferè falcis messoriaë tractum, summamque duræ Meningis partem, occupent. Figuram pyramidalem habent; ad differentiam eorum, qui ad postrema falcis locantur: ex pyramidalibus posterior, postquam falcis dorsum transgressus fuerit, obliquè deorsum ad posteriora sensim inclinans, in conspicuum *subrotundum tendinem* clauditur; in quem pauci alii minores lacerti diverso more fabrefacti, innumeræ item fibræ à durâ Meninge, & ab *interseptis* etiam propagatæ, denso ordine implantantur.

Lacerti pyramidales, priusquam ad falcis exortum coëant, transversis fibris colligantur (ad majus fortassè robur) quæ in elixatâ Meninge magis conspicuæ fiunt, & quandoque, instar anuli ligamentosi crispantur: non æquè tamen in omnibus conspicuæ sunt; verùm si acûs apice diligentius perquisieris, cas-

eisdem confestim reperies: hoc pariter in situ, supra lacertos, obliquè serpunt vascula, quæ sanguinem à durâ Meninge in sinum longitudinalem evomunt.

Pyramidalium numerus instabilis est; ut ipsum definire non sit possibile: quandoque enim ita invicem hærent; ut unum ab altero vix discernas: rarò tamen infrà quaternarium, aut ultrà sexenarium utrinque reperies; quin, & in uno latere quandoque plures quàm in opposito, & densiores, & longius productos adinveni; quod tamen morborum status, potiùs quàm sani effectum conjectabar.

Spatia, quibus præfati lacerti ab invicem distant, fibris quibusdam (quæ vix à lacertis distinguuntur, & fortassè lacerti morbosè relaxati soboles sunt) oppleta interdum animadverti: hæ parallellæ, & quasi spiraliter à durâ matre in falcem descendunt, & propè hujus dorsum transversis fibris secantur: idem cum lacertis munus habere censeo, & in his disponendis, fortassè natura lusit; cum non perpetuò reperiantur; & si per elixationem dura Meninx crispetur, non amplius conspicuæ sunt; sed unà cum lacertis confunduntur, & constipantur: eas tamen, prout observavi, hic exponere placuit in *Tabulâ primâ*.

In infimâ, posticâque falcis parte, lacerti

numero, & figurâ minores, atque diverſi inſident; graciliores ſunt etiam, & ubiquè ſibi æquales; in ſui autem extremitate horum nonnulli, veluti in branchias ſinduntur: pars ipſorum media, tendinea videtur, eò quòd denſior exiſtat; latera verò, & apex fibrillas, non multum extra ſe, ad modum caudæ equinæ, promunt. Horum exortus ad poſteriora duræ Meningis, paulò ſuprà falcis marginem, & poſtremum declivium; ſinis verò in ſemiſphæricum deſcriptum tendinem conſpicitur. Vide *Tab. 1.*

Post lacertorum deſcriptionem, qui utrinque è duræ Meningis lateribus in falcem meſſoriam implantantur, eamque totam ſerpunt, ſuperſunt alii, *interſeptum*, in utrâq; parte cerebri poſticâ, & inferiore horizontaliter ſitum, excurrentes: horum aliqui, & quidem longiores, è lateribus falcis à durâ matre, aliquòties orti, obliquè deorſum per *interſepti* medium, ad exteriorem ejus baſin inclinant, hæc tamen minùs uſitata eſt naturæ norma; conſuevit enim hoſce lacertos (ut perpetuò ſerè obſervavi) diverſo tramite diſponere; ipſorum ſcilicet inſertionem parùm ad exteriora locando, extremitate ad *interſepti* limbum, verſùs falcem (ubi per ejus extremitatem, plano horizontali utriuſque *interſepti* incubat) perductâ: quin, & ſæpè ſæpiùs pyramidalis

dali principio à Meningis medietate exurgunt, & transversum multiplici validarum fibrarum expansione *interseptum* secantes, ad ejus tendineam extremitatem obliterantur. In his itaque minoris momenti ludere consuevit natura, cum parùm intersit, an lacerti angusti semper, aut lati; plures, an pauciores existant; an eundem, aut parùm distantem situm occupent; eòdem nè, an diverso ductu ferantur; dummodò ab aliquà *intersepti* circumferentiæ parte, cranium respiciente, nascantur; atque ipsorum vice, fibræ crassæ, vel saltem copiosæ reperiantur. Reliqui ex *intersepti* lacertis breviores sunt, & sinûs, è cujus lateribus emanant, excursus propè sequuntur, communi, ut plurimum, cum longioribus gressu, & termino. Figuram habent pyramidalibus non valdè ab similem. Vide *Tab. 2.* Numerus item incertus esse solet.

Tota hæc partium contextura, magnam cerebri molem circumquaque ambit, & binas grandes constituit cavitates; quarum *septum medium* falx est. Cerebellum pariter suis ventriculis, seu cavitatibus includitur, & circumuallatur; quæ crasso similiter fibrarum *candice*, posterius Meningi firmiter hærente, tamquam *septo medio*, in dexteram, & sinistram partiuntur. *Candicis* hujus ortus ex supremâ falcis extremitate, è directo divisio-

visionis finis longitudinalis, & lateralium, plurimis fibris, instar radicum arboris (in non cocto *caudice*) sparsis, rectâ deorsum progrediens, ad spinalis medullæ principium, validâ fibrarum insertione visitur: Ejus corpus crassum, ac robustum, chordis invicem super-equantibus constituitur & in sui ferè centro rimulam quandam habet, cujus usum scrutari inane censeo. Vide *Tab. 3.*

Cerebelli item cavitas copiosis lacertis scatet; qui in durâ Meninge crudâ aliquoties vix sui vestigia exhibent: pluriès tamèn aliquot præexiguos, pyramidalium falcis ideam referentes, & ab exposito *caudice* parùm distantes; interdum verò huic proximiores, & paulò crassiores, adnotavi: in his enim varia etiam est natura, uti superiùs innuimus: Etenim quâ *interseptum*, cerebellum respicit, fibrarum còpia ab interiori margine duplicaturæ Meningis, obliquo ductu ad illius basin, denso agmine labitur, lacerti structuram nullatenùs referens, mole quamvis conspicuâ, & consistentiâ non mediocri ditetur. Neque prætereunda est miranda hujus superficiei, cerebello super-eminentis, textura; quæ post longam Meningis in aquâ communi, & aceto molli-turam, & intumescentiam, initâ postmodum cocturâ, in propatulo venit; tota enim innumeris chordis paulò in arcum, ad exterior-

ra inflexis , constituitur , & contegitur; quæ
 à supremâ *caudicis* insertione , ad *intersepti*
limbum (cujus totum tractum occupant)
 gradatim feruntur; arcus enim hi (ità ap-
 parent in corrugatâ Meninge) alter altero ,
 successivè minores sunt , quò plùs minùsve
 ab *intersepti* extremitate , propè aperturam ,
 seu magnum *foramen ovale*, cerebri elonga-
 ti principium admittens , distant; quare
 postremi brevissimi existunt. Sub quarto, &
 breviori Meningis sinu , similibus chorda-
 rum plexibus , è directo insertionis *caudicis*,
 tamquam validissimis vinculis , transver-
 sim vinciuntur , quæ videntur ejusdem pro-
 ductiones esse; quibus pariter arcuum utrin-
 que erumpentium insertio alicubi conte-
 gitur , & firmatur. Vide *Tab. 3.* undè tota
 hæc contextura , genuinam *caudicis* sobolem
 se manifestat; & per minimas fibrillas , acu
 distinguendas , colligatur , & subjecto inhæ-
 ret corpori. Oppositum verò , & posticum
 hujus cavitatis latus, ad occiput situm, innu-
 meris quamvis lacertis constructum sit, eos-
 dem tamen detegere , non æquè semper faci-
 le est, in morboſo etiam , & crassiori Menin-
 gis statu. Mirabilis igitur horum fabrica ,
 post membranæ elixationem , perbellè nudis
 oculis se se offert; quippè tereti principio, è
 summo latere sinûs sanguinem ad jugulares
 reve-

revehentis ; inferiùs protracti , in plures branchiolas (veluti tot arborum trunci in radices) divelluntur ; quibus extremum parietis limbum tenaciter amplexantur ; prout in *Tab. 5. Fig. 1.* Fibræ autem crassæ continuati lateris , in unum ferè omnes collectæ , informes , ac multiplices lacertulos turmatim coëuntes , repræsentant , ut in *Tab. eâdem* , & *Fig. mox descriptorum lacertulorum productiones* sunt , quæ ad latera expansionum *candicis* ductæ , in magni *ovalis foraminis* latera desinunt. Expositi lacerti , & fibræ , copiosiores propè *septum medium* existunt , quàm exterius ad sinûs orificium , more haud prorsus contrario ei , quem in cerebri *intersepto* , nuper designavimus . Hâc ratione talia quærenti observare contingit : natura enim sui erroris inscia , quamvis , & in his sæpiùs ludat , non deficit tamen in iis , quæ necessaria sunt .

Totam ferè lacertorum hætenus descriptorum seriem , & fabricam distinctiùs indurâ Meninge mulieris , ex sincipitis sinistri vulnere interemptæ , nudis oculis conspexi : antea enim rudem quandam horum lacertorum ideam oculorum , & microscopii ope , in elixatâ hominis sanâ Meninge , pluries detexeram : verùm præ fibrarum , & lacertorum exilitate , vix tutò asseverare audebam , quæ oculus ostenderat . Cum verò
illud

illud clariss: *Malpighii Præceptum*, aureo signandum charectere, mihi sæpius, ipso vivente, amicè, & ingenuè communicatum, perpetuò in mente esset: *Ad scrutandam, nempe genuinam partium, viscerumque texturam, nihi ipsorum præternaturali statu (in quo satis turgida, & ampla redduntur) commodius esse; ipsumque hac regulâ, tamquàm tutissimâ, ac infallibili viâ semper processisse; cum ea, quæ oculis antea, de more, natura incõspicua servaverat, eâdem mox oppressâ, visibilia fierent: nullam idcirco amicam magis huic rei ulterius detegendæ occasionem censui, quàm præfatæ mulieris caput diffecare in quo, ex symptomatis prægressis, vomitibus scilicet, horroribus, spasimis, & aliis ejusmodi, inducôque demùm, circa vigesimam diem, sopore, notatu digna concipiebam: res itaque cogitatis favit, quippè dissecto cranio ingens feri, & puris copia in sinistro latere, longè magis quàm in dextro, inter utrasque Meninges luxuriabat: idcirco ibi crassior Meninx visebatur (quamvis hic quoque naturalem excederët crassitiem) unde, & symptomata primùm, & vehementiùs sinistram capitis, corporisque latus infestarent, quæ, durante morbo, toti capiti tandem, & corpori communia evasere.*

Accuratè ergò extractâ durâ Meninge ad radi-

radicem usque spinalis medullæ, delineatam in *Tab. I.* lacertorum seriem, & mirabilem structuram inspexi, atque amico, omnium scientiarum, & anatomes peritissimo Reverendo *D. Joanni Remigio Duraballo* de Plattello Lotharingo (qui eam exquisitè ex prototypo extraxit, ac delineavit) videndam obtuli. Ideò autem clarè adeò innotuisse hos lacertos existimavi (quod pluries in elixatis duris Meningibus olim nunquam mihi tam manifestè obtigit) quoniam ex seri, & puris copiâ, omne fibrosum genus Meningem istam contexens, veluti mollitârâ quâdam, crassius evaserat; ut, & ob frequentem lacertorum contractionem, infestante morbo, inductam, eosdem à subjectis fibrarum stratis quodammodò sejunctos cernere datum fuerit. Quapropter cuicumque partis hujusce texturam detegere, & nudis perspicere oculis exoptanti, facilis intentus esse poterit; si eorum capita dissecuerit, qui morbo aliquo capitis gravi, essentiali, & diuturno, interempti sunt; hydrocephalo puta, læthali vulnere, phrænitude fortassè, maniâ & aliis hujus census affectibus; quibus vel præ feri copiâ, vel véhementi contractione, notabilis, & conspicua labes Meningi inferri potuerit: quæ, quamlibèt residuo mox exponendæ texturæ detegendo, satis non
sint;

sint; elixatione tamen mediâ atque iteratâ sæpius spiritus vini madefactione, abdita ex orco erves.

In semicoctâ hominis durâ Meninge, per ejus concavam superficiem bina fibrarum strata, se invicem interfecantia transcurreunt in extimâ verò unicum tantum se manifestat.

Primum, & partis concavæ, stratum, quod immediatè lacertis substernitur, in anticâ duræ Meningis parte ad frontem vergente, fibras in angulo duplicaturæ falcis mesforiæ, ex hujus dorso exeuntes, graciliores, & spissiores, & paulò in arcum assurgentes emittit; quæ indè angulo obtuso factò, denudeorsum obliquè ad Meningis latera inclinant; & sensim crassescere videntur, eò quòd, præ cocturâ, plures in unam magnam, fibram excrescant; quare omnes unanimiter, ac unâ methodo congregatæ, intestinulorum convolutionem apprimè insimulant: quod non meliùs cernere poteris, quàm in *Tabulâ 5. Fig. 2.* in qua fibrarum crispatarum series (ceù tot contorti funiculi, ex minoribus filamentis constructi) representantur. Ad latus anticum primi lacerti, immediatè suprâ falcis dorsum, robustus exoritur fibrarum glomus, inversam cordis figuram (in crispatâ saltem Meninge) ostendens; cono ad ante-

teriora veluti converso, & gracilioribus fibris contexto, basi verò, falcis messorie dorso, partim lacerti anterioris lateri, innixâ : undè fibræ partim inferius per falcem variè disseminantur, partim sub ipsis lacertis obliterantur, atque extenduntur; donec è tergo postremi ex his pyramidalibus denuò exurgentes, spiraliter ferè protensæ in magnum alium fibrarum glomum, ad infimam, & posteriorem falcis messorie basin ducantur in communem *tendinem semicircularem*, in quem lacerti quoque quamplures inseruntur; ut in *Tab. 4.* altera verò fibrarum portio sibi semper parallela, simpliciore contextu, vel ad latera statim excurrit, vel ferè rectà retrorsum progreditur, & ad *interseptum* usque, cerebrum à cerebello sejungens, distribuitur; donec ità totum duræ Meningis spatium, quâ cerebrum respicit, contegatur.

Hujusce strati fibræ, non tantum per laterales fibrillas invicem nectuntur (veluti in muscularibus fibris membranacearum fibrillarum ligaturas conspiciamus) verum etiam subjacenti strato, per alias consimilis texture fibrulas tenaciùs hærent, & acu vix secedunt. Si illarum nexum clariùs videndi curiositas impulerit, microscopium miranda deteget.

Alterum, & intimum magis, stratum,
prio-

priori ; mox discripto , immediatè subiacet ;
 cujus contextura ex minutioribus fibris ap-
 paret : harum progressus contrario tramite ,
 se se diffundit , & priores sibi superstratas de-
 cussare videtur : Si oculo lente munito con-
 spiciatur , instar corporis reticularis totum
 se offert , ob strictam , implicatamque fibra-
 rum unionem , & colligantiam : propterea
 est , ut , nonnisi laceratione acu institutâ , se-
 jungi possit ; quod fortassè ad maiorem fir-
 mitudinem , prò munere obeundo , à naturâ
 datum est . Probabile tamen & hoc videtur ,
 quòd in hóc strato , fibrarum crassitudo , &
 crispatura evidentius in conspectum venis-
 sent , si & ipsæ seroso latius obviæ magis ex-
 titissent ; quod ab anterioris strati obice ve-
 titum est : quidquid tamen indè sit ; certum
 est , stratum istud minutioribus fibris contex-
 tum esse : Hujusmodi fibræ è lateribus domi
 falcis messoriaæ prodeunt , & mox inferius per
 falcem , mox obliquè per duram Menin-
 gem elongantur : ipsarum excursus haud
 melius intueberis , quàm propè lacertos , &
 sub glomo illo anteriori , quo cor inversum
 repræsentari innuimus .

Duplici hac fibrarum serie constituitur
 quoque (quamvis minùs eleganter) dura
 mater , quâ cerebellum respicit & includit :
 in primo strato exiles fibræ è directo trās-

transversalis obliquè ad inferiora, sub lacertis, extrorsum feruntur; ut ex *Tab. 5. Fig. 1.*, à fibrarum vestigiis, quæ sub lacertis excurrunt, subolere poteris: subjectum verò huic fibrarum planum, contrario incedit tramite, exaratum decussando. Colligantiam habent, qualem in Meninge cerebrum contegente, notavimus.

Falx messoria (quoniam in Meningis concavo locatur) modò superesset scrutanda, ex qualinam fibrarum serie construatur; nisi ex hætenus expositis, illam ex omni descriptarum fibrarum, atque lacertorum genere, aggeriem esse pateret; in quam internorum stratorum, lacertorumque extrema filamenta, tamquam in centrum, desinant: sicuti autem de lacertis (cum horum insertio in falcem satis conspicua sit) nullum dubium esse potest; ità neque de reliquis fibrarum stratis, vel paululum hæsitare licebit: etenim, si acu diligentèr perquisitio instituat, eadem non ad falcis messoriae dorsum terminari; sed filula aliquot vario implexu semper ulterius emittere liquebit; quæ mutuo, ac opposito occurso, & intersecatione, reticulare corpus ejusdem conficiunt, quod de omnium stratorum atque lacertorum contractione, prout opus erat, princeps fieri potest.

Exte-

Exteriorem falcis messoriaë figuram longâ verborum ambage exponere supervacaneum duxi; quoniam de hac satis superque apud anatomicos; illud duntaxat considerandum; ipsam, nec casu aliquo in sui exortu angustiores esse, quàm in progressu, & fine; neque magis latam fortuitò in homine, quàm in brutis; sed ex naturæ lege, & necessitate, id contigisse.

Duræ Meningis convexa superficies, quoniam aspera, & rugosa est, primâ fronte, terminus fibrarum omnium strata inferiora, constituentium videtur; quarum extremitates, nervearum papillarum instar è cute erumpentium, vario implexu, extimum hujusce cerebri membranæ reticularem corticem, efformant. Hoc quamvis probabilius existat; quædam tamen fibrarum parallelo ordine progredientium vestigia, hic illic ex hac superficie distinctè emergentia, diversam excitant suspensionem; in parte enim anteriori Meningis, utrinque ad sinum longitudinalem, validarum fibrarum series obliquè extrorsum inclinans ad frontem producitur; & conspicuè admodum, absque microscopio, elucescit, & acu levi negotio à subjecto strato secedit: hujusmodi tamen fibrarum progressus ad posteriora subobscurus est, dum fibræ confertim oblitterantur, & in corpus den-

B 2 sum,

sum, scabramque superficiem (quæ reticularis apparet) coalescunt; cujus filamenta acuvix divelli possunt, & divulsa hinc indè inæqualiter retrahuntur. Fibrarum parallelarum (sicuti mox notavimus) analoga fragmenta quædam in duræ Meningis declivio huc illuc producta animadvertuntur; verùm ipsarum excursus brevis valdè existit. Quapropter, cum huiusmodi fibræ in sui progressu compactæ valdè fiant, & cum subjectis irretiantur, ut stratum, instar chartæ pergamenæ constituent, (quale continuò in semicoctâ humanâ Meninge observavi) verisimile magis est, convexam Meningis superficiem, ex extremis fibrillarum capitulis, instar cuticulæ, penè totam effingi.

Exiles arteriæ, nec copiosæ admodum per Meningem disseminantur: utrinque enim, circà mediam sincipitis regionem bini, & minuti arteriarum trunci, à carotide ejusdem lateris oriundi, per convexam superficiem ascendunt, & per varios minimos ramulos, ad summitatem usque Meningis extenduntur: Posterior truncus copiosiores ad posteriora, quàm anterior ad anteriora, deponit.

Hæc potiora sunt, quæ in duræ Meningis humanæ fabricâ observare potui: & quia à nemine adhuc ostensa, nec in lucem edita; id-

idcirco in publici commodum, & sapientum gratiam typis, & iconibus singula exhibere placuit; ut tantę partis, pro virili, innotescat compages, & dignitas; quas usque adhuc in tenebris latuisse comperimus. Et quoniam naturam scrutanti, per singula vagari licet; quin à minimis, ac propemodum vilibus ad maxima ducit industris curiositas; propterea, ea quę in brutis aliquot, quondam antè, humanę Meningis indaginem, per otium observavi, haud prorsus inutile hic referre opinatus sum; Ex his enim ut ut rudioribus ad meliora animus excitatur.

C A P U T . I I .

De Durâ Brutorum aliquot Meninge , observata .

QUAMVIS nonnulla bruta animantia corporis, & capitis mole hominem satis excedant; minus tamen cerebrum, & delicatiorem durę Meningis texturam habent: hujusmodi autem discrimen non inter hominem, & Bruta duntaxat, sed inter ipsamet Bruta posuisse visũ est natura; ut quadam veluti necessitate,

minorem cerebri quantitatem , mollior , tenuiorq; duræ Meningis compages , majorem robustior , sequatur : sic in Bubalis minor est , præ ovibus , & vervecibus cerebri quantitas ; in his , quàm Bobus : singulis autem , pro cerebri varietate Meninx aptatur . An hoc perpetuum sit in naturâ , judicent acutiores ; cum nobis ea tantùm , quæ semel atque iterùm inspeximus , exponere incumbat .

Dura Meninx bubalina minutularum adeò fibrarum aggerie construitur , ut qualibet , & quomodolibet , institutâ cocturâ , atque per acres liquores crispaturâ , propriæ fabricæ vix aliqua hinc indè compareant vestigia .

Postquam ergò per elixationem impensè obriguerit , si acûs apice perscrutetur , triplex stratum pandit , invicem diversâ tendentiâ , & crassitie superpositum ; lacertos autem , tamquam oblita , natura occultat , vel fortassè cum reliquâ fibrosâ substantiâ confundit : interim , quantumvis stratâ , alterum ab altero sejungantur , & ex faciliiori secedendi modo , ac viâ , suimet ipsorum ortum , atque tendentiam ostendant ; præ nimîâ tamen densitate (instar enim corii tenuissimi , aut chartæ emporeticæ visuntur) fibrillarum commercium ; & mirandam (non minùs forsan , ac in homine) fabricam ab oculis removent , & rarò , ac per vices tantummodò non-

nonnulla exhibent filula mox , vel ipso ferè halitu , se disrumpentia; quibus , vix subortata spes meliora detegendi confertim suffocatur. Si post longam Meningis cocturam , eandem perquisieris , ne minimum quidem fibrillæ fragmentum exurget: sin autem modicè tantum decoxeris , vix , postquam fibrulam acûs apice apprehenderis , eandem , præduritie , loco dimovebis , quin vel illatâ vi statim diffingas; adeòut hujusce membranæ texturam in hoc bruto , nonnisi in morbido statu , ex naturæ errore , vel arte , per iniectiones , turgidam factam , ex abdito ervere concedatur, quandoque enim in extimâ ejus superficie binos fibrillarum ordines adnotare mihi videbar ; mox verò unicum tantum , & crassio rem; ut acûs ne an naturæ lusus, duplex an simplex planum foret, dubius semper hæsitarem. Perpetuum in hoc bruto animadverti , exteriorem duræ Meningis corticem (ità appello , quoniam ut plurimum instar corticum cepæ secedunt strata) crassio rem, esse, quàm in parte concavâ ; hos verò excedere corticem , seu planum medium : hoc enim in promontoriola inæqualia corrugatur ; quæ , si cultro , vel acu penetrentur , in moleculas , caseo indurato haud dissimiles , decedunt ; ut , undè veniant, quâ pergant fibræ abstrusum, ac penè impossibile sit decer-

nere: planum extimum jisdem ferè subjici-
tur investigandi difficultatibus: intimum ve-
rò, eo quod faciliori ductu, & absque fre-
quenti disruptione, aliquæ ejusdem portio-
nes, è lateribus falcis messoriaè obliquè infe-
rius convolvantur, verisimile indicatur,
hanc naturalem esse fibrillarum tendentiam;
quæ, an mutuò implicentur, an paralellæ
excurrant, adhuc dubium existit.

Nequè cruda vervecis dura mater, ali-
quam lacertorum ostendit speciem: habet
verò fibras veluti ligamentosas, à clavis: *Wil-
lisio* primùm observatas, in formam retis
intextas, quæ falcis vices gerunt, tenuique
principio longè satis à cristâ-galli ortas, ter-
mino crassiore, vix per tres transversales di-
gitos extenduntur; donec in futuram cranii
transversalem, ad finem sagittalis, inci-
dant.

Peractâ vel levi cocturâ, densa fit, ut ex
eâ, ne vel minimum quidpiam notatu di-
gnum, emergat; tota enim instar massæ co-
cti ressiccati confusa, nec minimam ostendit
fibrâ; quin, si ulterius excoquatur, in glu-
ten viscidum gelatinæ æmulum vertitur. Tu-
tior em idcirco hujus texturam aperiendi
viam (ut & in bubalinâ Meninge innuimus)
alternativam, diuturnamque aquæ vitæ, seu
et liquorum paulò acrium, & aquæ fontis
mol,

mollituram arbitror. Nil autem conspicuum magis in hac Meninge, septo illo medio, quo cerebellum quodammodo bibartitur ; crassissimis enim fibris compaginatur, quarum extremitatibus, sicuti & secundum totum tractum, Meningi hæret eâ similitudine, quam in homine animadvertimus.

Primam lacertorum ideam, quam ex brutis hausi, dura Meninx bovina adhuc cruda obtulit ; quoniam hi, è lateribus dorsi falcis messoriarum eâ prorsum incedunt ratione, quæ in hominis Meninge perhibetur ; mole quamvis, ipsorum quartam partem non adæquant : in anticâ parte minores sunt, & in suprâ citatas chordas ligamentosas producuntur, unôque reticulari implexu oblitterari solent : posterius copiosiores sunt, & grandiores, & deorsum innumeris, ac validissimis fibris, turmatim in robustum, & oblongum tendinem insertis, ad posteriora descendunt.

Notandum venit ex hætenus observatis, fortuitum non videri quòd bruta exaratas ligamentosas chordas, vice falcis, habeant : id enim exiguæ eorundem cerebri moli, non sphericæ, sed depressæ, facile respondet : unde est ut unum præ alio, pro cerebri magnitudine, hujusmodi chordas, plùs aut minùs conspicuas, unâ cum longiore, breviorve ipsarum tractu, gestet

Elixatâ hâc Meninge , quid majori observatione dignum , quàm in præfatis brutis , minori quàm in homine , erumpit . In parte concavâ , præ tenuitate , lævoreque , vix fibræ apparent : in convexâ verò , posterius aliquis fibrarum excursus conspici potest ; è summitate enim Meningis arcuatim versùs centrum laterale ejusdem ducuntur fibræ , in sui exortu crassiores , in progressu tenuissimæ , quæ insensibiliter evanescunt : ejusmodi autem fibrarum inclinatio in anteriori latere , haud tam distinctè discernitur : reliquæ substratæ fibræ , quæ vergant facilè apparet , si lumini objiciantur ; videntur etenim superpositarum flexuram sequi ; adeò ut , tamquam unico fibrarum strato , simplicioreque contextu fabrefacta Meninx se exhibeat : an , autem in his oculus decipiatur , eò quòd extimum stratum præ majori filorum crassitie , suppositorum series tenuiores , gressumque offundat , inficiari , sicut nec asseverare audeo : abstrusa enim , & delicatula in his animantibus , est Meningis textura ; nec tam prompta , ac facilis occasio perhibetur , ut rarò absque laceratione , aliove defectu extra brutorum , grandiorum præsertim , cranium , integra Meninx educi queat . Rem idcirco hanc , meliori datâ opportunitate , intimiorique peractâ scrutatione , aliquando ,

si Deus dederit, clariùs illustrare arbitramur: interim curiosorum animum ad meliora, in re tam arduâ, incitasse satis sit, ut pauculis his inventis incrementum, & moles addatur; sicuti & nobis per hæc, ad modica, ea, quæ de Meninge humanâ protulimus, licuit pervenire.

C A P U T I I I.

De duræ Meningis cum Cranio Adhæſionibus.

VULGATUM apud *Anatomicos* legimus, duram Meningem cranio per solas futuras suspendi; & filamentis per easdem erumpentibus, atque per exteriorem cranii ambitum expansis, membranam ipsum exteriùs involventem, seu cranii perioſtium, prætexi. Invaluit adeò hæc, penès Auctores, fides, ut re ferè ſilentio prætermiſſâ, alter alteriùs verba fideliter (ſi unum vix excipias rem per transfennam attingentem) reſumpſerit, nec quidpiam aliud addere curaverit. Veruntamen rei hujus diverſitatem evincit autopſia, & ratio
ſua.

suadere videtur: etenim si dura mater (in homine præsertim , cui caput satis amplum , & sphericum) per simplices futuras suspenderetur (cum in summo resideat , & gravitet) ubique faciliè concideret , cerebrum nimis gravaret, muneris sui obeundi impotens facta . Et quamvis natura in stabiliendis duræ Meningis cum cranio adhæSIONIBUS paululum instabilis esse consuecat ; non tamèn idcirco futilis hujusmodi investigatio , quin potius summè necessaria est reputanda : eâ enim posthabitâ , de Meningis etiam usu hæsitare necesse est ; vel temerè , somniata duntaxat pronuntiare . At sanè (sit quibuscunque debitus honos) incuriam hanc multiplici ex fonte ortum habuisse , autumavi : ex incongruo primùm Meningem secandi ritu ; cum statim resecto , uti mos est , cranio , ipsum elevare , & vi divellere conati , nullam Meningis (præter communes allatas) distinctiorem , nec peculiarem magis cum cranio inhæSIONEM signare potuerunt : ex ignotâ insupèr Meningis fabricâ , & per consequens etiam , usu , vix animus excitari ad ea poterat , quæ nullius , aut exigui saltem momenti à plerisque æstimabantur . Sed quoniam natura , quæ optimè sua quæquæ gerit & nil quidquam (& si minimum) frustra , aut casu molitur ; singula quoquè ritè invicem , ju-

xtà necessitatem aptat ; mirabilem , ac validam texturam ingenti robore , hoc verò per firmam adhæſionem compensans:quòd si durâ Mater, motus alicujus obeundi gratiâ, instituta fuerit ; immobili termino eam affigi, ob positus sui, ac loci eminentis, necessitatem, opus erat ; probabiliter enim minoribus indiguisset sustentaculis, si inversâ facie eandem adaptasset natura .

Dura itaque Meninx, neque per simplices futuras cranio appenditur ; nequè per has tantum ab eodem filamenta emittit ; neque æqualiter eidem ubique inhæret. Hæc distinctius observare poteris ; si post cranii, in totâ ipsius circumferentiâ, diligentem sectionem acutâ ferrâ, absque concussione, dimotione, institutam ; forſice, aut cultro tenui, totum sectionis ambitum sequens, & Meningem ad cerebrum usque penetrans, eandem accuratè abscindas, & cultro indè longiori, simul & cerebrum, & falcem messoriam, absque cranii elevatione circumquaque reſeces ; tunc utramque cranii partem, divisam, unâ cum Meningis debitâ utrobique portione, & adhæſionibus habere poteris ; quas, exempto paulatim cerebro, & inversâ pedetentim Meninge, pro lubitu, signabis .

Hoc adnotandum ; Meningem basi cranii (ubi ea tenuior, & texturæ etiam simplicioris

existit) validè , & densiùs affigi ; parti verò ejusdem supremæ minùs firmitèr, & frequenter alligari: quare & in toto cranio aliæ sunt partes , quibus tenacissimè , aliæ quibus laxiùs , & per minus spatium ; aliæ quibus eadem nihil prorsùs hæret : hæret autem Meninx cranio, vel per chordas tantùm (quæ instar ligamentorum sunt) vel per fibras tenuiores , vel per utrasque simul , prout locorum necessitas postulat . Et quoniam loca ista Meningis varia sunt; alia enim cerebrum superiùs , & totam peripheriam , & centrum respiciunt ; alia ad inferiorem ejus partem , tam anteriorem quàm posticam (cujusmodi sunt *intersepta* utraque &c.) alia ad cerebellum attinent ; singulorum distincta perquisitio celebranda .

Immediatè suprà processum internum ossis frontis, sinus quidam non admodum profundus, in figuram inversę pyramidis excavatur; cujus, terminus, seu basis, insensibiliter ad coronalem extenditur , quæ sagittalis transversim secata, proprium assumit initium: per totam hanc longitudinem, & ultrà verticem, dura Meninx (priùs utriusque orbitę superficiiei ossæ , & utrinque ad cristam galli , per falcis principium adnexa) secundum plurimam falcis tractûs partem , firmiter cranio alligatur; unde hæc ligatura (prout ex cranii

nii vestigiis) ex angusto in latum procedens, ad os usque occipitis propagatur ; figura autem hujusmodi à sinûs , & falcis dorso probabiliter cranio imprimitur. Cohærentia ista per fibrillas , pariter & per fibras crassiores expletur : hæ , veluti ligamentosæ , quibusdam irregularibus distantiis , ad latera futurarum , & excavati sinûs ; aliquando per hujus medium , cranium penetrant ; minutæ verò per sinûs medium facilius sparguntur : talis ligaturæ diversitatem , ex inæquali non tantum resistentiâ (minus enim resistunt filamenta tenuia , crassiora magis) quàm Meninx per hunc tractum à cranio removetur , experieris ; verum etiam oculus , & multò magis microscopium , eam tibi notam faciet ; si , dum actu Meningem à cranio lentè diducis , filamentorum , quæ dirumpis , veluti linamenta intuearis ; vel si post auulsam Meningem , ejus dorsum , è falcis directo , illicò inspexeris ; inæqualis enim crassitudinis , atque extensionis capitula , (veluti tot appendiculas) ex eodem emergentia conspices ; quin , & probè detergâ cranij cavitate , inæqualis magnitudinis puncta (tot foraminulorum instar) , animadvertere poteris ; quorum majora , fibris ligamentosis , minora fibrillis insertionem , & egressum concedunt : ejusmodi autem majoribus , ac minoribus punctis ,

seu foraminulis sparsim , plus minusve signatum cranium eâ frequentia , & spissitudine apparet , quæ Meningi suspendendæ & cranii periostitio texendo par est .

Obiter interim notandum , quod subjecti pyramidales lacerti in toto hoc tractu turgidi , ac conspicui satis , esse consuescant .

Priusquam tertius sinus in laterales concurrat , utinque ad summitatem *prominentiæ oblongæ* ossis occipitis , firmissima crassiorum fibrarum adest ligatura , quæ paulò infra , in sinuum concursu , non per tam validas fibras instituitur : laterales autem occipitis fossæ , quas postrema cerebri eminentia premit , ab inhæSIONIBUS prorsus vacuæ existunt , ad lambdoidalis usque latera , & inferius ad *interseptorum* planum . A fronte ad hanc usque divisionem , per sinûs longitudinalis dorsum Meninx connectitur cranio : falx autem mesforia , seu ejusdem dorsum , ab osse distat per totam Meningis crassitiem , & sinûs amplitudinem ; quæ , ad occiput præsertim , non exigua existit .

Dura Meninx è lateribus adhæSIONUM tertii sinûs longitudinalis , à fronte ad verticem usque (si coronalis sectionem , aut unam , vel alteram fibrillam , excipias) per digiti transversalis latitudinem , & ad frontem multò plus libera est : quâ hanc frontis partem ,

tem, à ligaturis immunis membrana, respicit, fibrarum in ejus convexo, vestigia illa visuntur; quorum in superioribus meminimus. Quod superest spatium in ossis declivio, antequam ad coronalem deveniatur, minutulis, & raris fibris, nec adeò proximè cranio hærentibus (ut cæ sunt, quas in sinus tertii dorso notavimus) Meninx detinetur: in utroque sincipite, paulò suprà temporum futuras, & in laterali eorundem foveâ, per exiguum aliquod spatium, ossi haud jungitur; ubi verò arteriolarum Meningis effusiones conspiciuntur, quantò propius ad verticem ipsa ascendit, eò uberiori minutissimarum fibrarum copiâ, non admodùm strictè calvariam succingit. Cur autem numerosæ adeò hîc, quàm in osse frontis, reperiantur fibræ; ex eo probabiliter evenire potest, quòd majus virtutis momentum in hac summâ, & posteriori calvariæ parte perferendum sit: proptereâ in brutis, quæ prono capite ambulant, verisimile est coronalem futuram ad extrema sagittalis, in ampliori cranii parte, illique è tergo lambdoideam, ideò appositam esse, ut cerebrum (cujus maxima portio hoc in situ locatur) circumambientis membranæ majora momenta tutius experiri quiret. Præ aductâ etiam hic loci calvariæ latitudine, uberior filamentorum quantitas pro ejus-

dem texendo perioſtio , opportuna erat .

His fibris certa , quamvis minima , longitudo conceditur , quâ , per aliquod ſpatium , à cranio diſtat dura mater : ſpatii autem hujus menſuram decernere , non adeò facile eſt ; cum in unoquoque individuo , amplum magis , vel anguſtius , pro cerebri mole , aliisque circumſtantiis , eſſe queat , reperiaturque . Illud autem ex terebrato , datâ neceſſitate , hominum viventium cranio , quamvis aliquatenus indito intrâ foramiẽ ſpecillo , metiri daretur , hoc tamẽ certa ſingulorum norma non eſſet : ex inhæſione autem Meningis ad cadaverum cranium , idem determinare , res periculo plena ; cum fibræ frigentes , & retractæ nimis , eandem , ut plurimum , cranio ferè adnatam oſtendant . Ex viventium verò terebratione , & mortuorum inſpectione , tale ſpatium arguere quimus ; quod muneribus à natura deſignatis , atque expetitis , ſufficiat : in illis enim , inſpicienti , per ſe patet ; quin , & confirmant liquorum injectiones inter cranium & Meningem inſtitutæ : in his verò , ex eo deducitur , quòd ſi Meningem , oſſe calvariæ ſuperiori jam reſecto , adhuc adnexam , in aliquâ extremitatum , voſſellâ , vel conſimili inſtrumento , præhenderis , atque retraxeris , leves ejusdem excuſus , abſque fibrillarum rupturâ animad-

advertes; qui sanè in viventibus, (laxioribus, ac mobilioribus existentibus fibris) majores esse debent. Unde fit, ut jisdem brevioribus factis, & resiccatis (cerebri mole quandoque coadjuvante) Meninx arctissimè con-nata cranio interdum reperiatur. Quod, præ-ter naturam esse, quamplures apud *Bartho-linum*, judicarunt. Verùm ad cœpta rever-tamur.

Hæc est tota scitu digna, & magis essen-tialis, Meningis cum cranio, connexio, qua cerebrum undique superiùs contegitur: ea enim, quæ saturis ossis petrosi, spœcnoidis processibus, & quâ dura Meninx, per paten-tes fissuras, intrâ orbitam elongatur, satis per se nota est. Superfunt *interseptorum*, qui-bus cerebrum incubat, & falcis extrema ba-sis coaptatur, tandem cerebelli cavitatum, adhæssiones, proximè inquirendæ.

Primum ergò falcis extremitas, & huic continuata *interseptorum* (ubi quartus sinus excavatur) interna latera, invicem, per com-munes membranæ duplicaturas, & per lacer-tos aliquot, in *subrotundum tendinem* productos, connectuntur. *Interseptorum* extremitas suprâ sellam spœcnoidis elongatur, & *ovale*, atque amplum, sub cerebri centro, *foramen* aperit eidemque in spinam vix elongato, opticis nervis, & oculorum motoriis transitum præ-

bet, tenacique nexu (exceptâ limbi circumferentiâ) ossis sphœnoidis commissurę figitur. *Intersepti* utriusque latera , *rugosis* ossis petrosi *processibus* ultrâ modum nectuntur ; hujusmodi autem colligatio , fibrillarum spissitudine tota completur : reliqua pars gibbosa , interiori cranii peripheriæ , quæ immediatè suprâ cerebellum sita est , & per oblongas , & inæquales fossas , canaliculorum instar , occipiti horizontaliter impressas , distinguitur : fortem habet nexum ; quem fibræ crassæ pariter , & fibrillæ , instituunt . Quapropter *interseptorum* pars centralis , totumque ipsorum planum , ad processus usque ossis petrosi , residuamque circumferentiam , liberum existit ; ut , quamvis distentum , tamen attolli , & sufficientèr , absque minimâ fibrillarum divulsione , deprimi possit : ità in cadaveribus , cerebro detractò , experieris , elevationi , ac depressioni , spatium satis conveniens concedi ; quod , indigentia , naturali succurrendæ , ad abundantiam esse possit .

Reliqua Meningis portio mobilis , quæ superiorem cerebelli faciem contegit , est hæc ipsissima inferior *interseptorum* superficies , jisdem omninò ligaturis detenta , quas mox recensuimus . Quæ cerebelli convexitatem amplexatur , ad lambdoidalis confinia , & in laterali cavernulâ , processibus mammillari-
bus

bus supersedens, firmâ fibrillarum connexionē munitur; cui non minorem, in toto magni foraminis ambitu, reperies. In extremo fossarum occipitis pariete, binas, & sæpius ternas, utrinque chordulas adinveni; quarum aliquæ (quæ ad latera sese expandere, *caudicis* radix consuevit) puncta, admodum distincta, in os cudunt; per has autem Meningis cum calvariâ unio impensè stabilitur. Utraque verò lateralis cranii cavitas, posteriores cerebelli eminentias recipiens, nullâ adhæsione Meningem sustinet; rarò enim contingit aliquot minima fibrillarum capitula, membranam ossi laxè admodum suspendere.

Binas hæc cavitates *prominentia* quædam dividere solet, cui *caudex* sternitur, & propriis extremitatibus, infrâ, & suprâ colligatur: *prominentiæ*, unâ cum accubante *caudice*, tanta sit crassities, ut intrâ cranium ducta, ad cerebelli centrum valdè promineant, ejusque dorsum comprimant.

Adhæsiones istæ, quibus dura mater cranio committitur, quantum ad usus, in sequentibus designandos, inserviant, brevè infra constabit: Cæteræ enim, per nervorum ex calvariâ egressum, institutæ, cum minùs in præsentī ad nos spectare videantur; ulterius de his verba facere libentè omittimus.

CAPUT IV.

*Circa duræ Meningis usum
conjecturæ .*

QUANTAE utilitatis detecta partium, textura, & experiundi cupido, in medicinâ extiterint, summum, priore seculo jam penè declinante ejus incrementum satis ostendit, & sensati omnes novere: adcò enim per hanc temporis minutiam profecisse visa est, ut paucorum anatomicorum industria, omne totius, & longissimi medicinæ ævi (Hippocrate dempto, cum aliis paucis) tot antiquorum studium longè satis præcelluerit; dum artem (quæ solis figmentis, atque inanibus speculationibus constructa, & contenta esse videbatur) verè instabilem, observationibus, atque experimentis stabilire curavit, & obtinuit. Et quamvis nostris temporibus speculantium plurimi non desint; ingens quoque, regiam viam prementium, cohors invenitur, quæ, in physicis, sensibus magis, quàm ideis confisa; qualia, & quomodò sint ea, quæ in naturâ reperiuntur, & fiunt, querendo, & inspicendo detegit, vel detegere

gere saltèm nititur:undè factum meritò fuit, ut hi, verè sensatorum hominum fidem, & industriam ad se traxerint: tutior enim est conjectura, & facilior, post apertam partis fabricam, ejusdem usum, indè usûs alterationes, morbosum videlicet statum, & ulterius curandi methodum, elicere; quàm ad excogitata, naturam, & artem accomodare. Hanc penitùs odibilem normam, sicuti in aliis, ità & in nobis, tamquam artis venenum, damnamus. Quòd si, fide digna, circà duræ Meningis usum elicere, & in publicum exponere nobis non contigerit; hoc tamen recti in se contineant satagemus, ut pro virili, ex facto ipso, non ex præconceptu, deducantur. Ast, priusquam nostræ in medium proferantur conjecturæ, quid alii, & quomodo de Meningis structurâ, & usu senserint referre satius reputavi.

Celebriores inter anatomicos, aliqua *Famigeratiss. Willisius*, pro duræ Meningis fabricâ, & usu exposuit; quæ quoniam rem totam, prout decet, & determinate non amplectuntur, ad litteram ab Auctore excerpta, in sequentibus legere poteris, & expendere. Postquam ergò, de exquisito Meningis sensu locutus fuit (de cerebri anatome cap. sexto) hæc habet. *Motum* verò quòd attinet, huic *dura Meninx* vix satis apta comparatur

„ quoniam plurimis in locis cranio firmiter
 „ alligatur ; & tamen probabile est , eandem
 „ in partibus quibusdam aliquando saltem
 „ contrahi , & corrugari : certè in sternuta-
 „ tione contrahi ipsam , & remitti , extrà du-
 „ bium est . Pariter cum ab hujus læsione , vo-
 „ mitus , aut motus convulsivi in visceribus ,
 „ aut membris succedunt , in causâ est hæc
 „ membrana , quæ alicubi contracta , aut di-
 „ ducta , eodem spasmo , molem intus con-
 „ tentam secum implicat .

„ De *motu* hujus membranæ cogitanti , ani-
 „ mo subest , texturam ejus præsertim quo-
 „ modo intra *sinuum cavitates* , ac *cerebri* , & *ce-*
 „ *rebelli interstitium* habet , adhuc ampliùs
 „ considerare : etenim in *his locis* , plures fi-
 „ bræ , seu velut *chordæ* majores , & nervosæ ,
 „ cujusmodi scilicet observamus in cordis
 „ ventriculis , variè protensæ reperiuntur .
 „ Intrà *sinus* , à variis membranæ processibus ,
 „ *cavitas anfractuosa* , & pluribus quasi cellu-
 „ lis multifariam divisa , constituitur . Hoc
 „ incum finem ità fieri videtur , nimirum ,
 „ ut sanguis è diversis rivulis in *sinuum ca-*
 „ *vitates* redux , variis obicibus , & quasi va-
 „ luvlis retardaretur ; ne fortè impetuosè ni-
 „ mis , & confertim irruens , motu vortico-
 „ so , & inordinato intrà hunc pelagum flue-
 „ ret . Attamen , præter hæc Menigis istius
 „ intri-

„ intricationes , & cellulas , observare est in
 „ quadrupedum capitibus , quòd insuper in
 „ totâ sinuum cavitate , plures chordæ , seù ve-
 „ lut ligamēta ubique ab uno latere in aliud
 „ producuntur . Horum munus ex parte sit ,
 „ ut cavitatis latera intrâ debitos aperturæ ,
 „ & dilatationis fines contineant , ne scilicèt
 „ à sanguine vehementer irruente , suprâ
 „ modum distendantur ; adeòque cerebri mo-
 „ lem comprimant . Quinimò fibrarum ista-
 „ rum albicantium , quæ tum intra sinuum ca-
 „ vitates , tum in hac *Meninge* cerebellum
 „ ambiente , ac istud , & cerebrum interstin-
 „ guente , occurrunt , contextura innuere vi-
 „ detur , ipsas etiam motui cuidam inservi-
 „ re . Enim verò suspicari licèt , quòd fibræ
 „ istæ robustæ , ac velut *ligamentosæ* ; membra-
 „ nam , cui intertexuntur , modò contrahant ,
 „ modò dilatent , ac variè contrahant . Ab hu-
 „ jusmodi *duræ Meningis* motibus , sanguis in-
 „ trà sinus confluvus variè exagitari , & , pro
 „ datâ occasione , in circuitu suo quandoque
 „ accelerari , ac interdum retardari , aut in-
 „ hiberi potest &c. & paulò inferius subjungit .
 „ Cerebrum ipsum quidem motu caret ; at
 „ sanguis illius compagem permeans , siqui-
 „ dem huic *Meningi* totus infunditur , ejus-
 „ que receptacula pertransit , ad motum nu-
 „ tumque hujus membranæ , modò à cerebro
 „ abigi-

abigitur, & cordi succurrere jubetur, prout
in timore, & ingenti tristitiâ &c.

Profectò hujusmodi interiores sinuum
processus, ac velut chordas transversas,
commodiori reductioni conducere, etiam ex
indè colligimus, quòd in jumentis, quorum
cerebro (quia pendulo ac prono capite,
vescuntur, ac incedunt) majus, ab inunda-
tione sanguinis, periculum impendit, pro-
cessus isti maximè insignes habentur, utpo-
tè qui successivè contracti, sanguinem, ob
capitis inclinationem alioqui stagnare
aptum, sensim protrudunt &c.

Hæc ille, quæ potissimum ad sinuum ca-
vitatis texturam usumque, & membranæ
præternaturales potius motus reducuntur:
& quamvis hæc nec parva, nec pauca sint,
fatis tamen non existunt; cum, nec chorda-
rum ortus, & tendentias, nec connexiones;
nec fibrarum strata, nec reliquum mirabile
opificium; nec contractionis Meningis, nec
remissionis modum expendere.

Arabum, ni fallor, aliquot sententiam
legisse memini, cerebri Meninges constri-
ctionis, & dilatationis motu perpetuo agi, &
in doloribus capitis suas pati vicissitudines:
verùm talia fortuitò, casuque ipsis ex ore,
& calamo excidisse probabilius credidi; quo-
niam nullum hujus cogitati fundamentum

un-

unquam ostenderunt . Sicuti anatomicae sectionis peritissimo *Malpighio* rem potius aliquâ ratione innotuisse mihi sæpius sum persuasus; eo quòd nullam morborum ethiologiam, absque prævio partis structuræ conceptu explanare unquam agrederetur , & continuo , ubi de capitis essentialibus morbis agendum erat , in suis consultationibus *Meninges affici, & in convulsionibus constringi valdè*, scriptis mandaverit . Nec defuere (inter quos *Mayow*) qui conjecturis potius , quàm facti veritati , ac magistræ autopsiæ innixi , cerebri membranas ad succi nervei distributionem promovendam inservire , satis ingeniosè asseveraverint: ceterùm nec partis structuram, neque quâ mechanice id fieri possit, satis ostenderunt : idcirco horum sententia suspecta hæsit, nec ab omnibus accepta fuit . Hoc enim ævo non tam facilis fides robustioribus etiam conjecturis .

Hæc meliora sanè existunt , quæ de Meningis fabricâ, & usu legere mihi conigit ; quibus (in veritatis cultorum gratiam) suspiciones nostras , pro modulo , addere placuit , utpotè rationibus , experimentis , & observationibus practico-anatomicis suffultas .

Et quidem, cum, ex circulationis legibus, quodlibet fluidum de loco in aliud per impul.

pulsum alterius, quod fluidum non est, moveatur; idem nervorum succo evenire expediebat; cum & ipse, liquor sit, & per secretionem, cæterorum more, tantum se manifestet. Istiusmodi propulsione necessitatem noverunt quamplurimi anatomes peritissimi, & præclarissimi viri; sed de impellente, pauci decreverunt: aliqui enim, inter quos clariss. *Louvers*, intra cranium quærendam partem aliquam, quæ muscoli vices suppleret, vel structuræ protinùs musculari similis foret, pro spirituum animalium distributione promovendâ, indicarunt. Cæterum cum ipsis de hac non satis constaret, in eam facilè ibant sententiam; quòd nempè spiritus iidem (veluti aqua ex alembico) à cerebro in nervos extillarent: quod, quàm à ratione absonum, quisque vel mediocriter in arte versatus, inficiari haud audebit: etenim cum spirituum materia, ab ipsis huiusmodi sententiæ patronis, admodum tenuis ac subtilis prædicetur, non adeò facilè deorsum proprio pondere feri quiret; sed, cum cerebri compages mollis valdè, & laxa sit, intrâ, & per ipsam diutiùs detineri, & quodammodò circulari coacta, mille confusio-
num causa foret, ut nonnisi ad turgentiam evecta deorsum rueret. Neque penetrandi facultas, & vigor, spiritus dictos animales,

scilicet

seu nervorum succum ab hac pressiois lege eximere debent, aut possunt; cum ipsi tantæ efficaciz, & energiz esse nequeant, quantæ à plerisque æstimantur. quoniam ad summum, subtiliores sanguinis (à quo derivantur, atque materiam mutuuntur) æquare possunt particulas: Ecquis autem affirmabit, activas magis à sanguine secedere portiones quàm in suo sinu antea foveret? Solà namque separatione id fieri, vix concipi potest. Dulcis insuper, & à salino alienæ naturæ cum supponatur nervus succus, mobilis adeò & potens esse nequit, quia inordinatos nimis, vel parùm durabiles motus ciceret; & multò magis, si sulphuris, aut nitri operâ omnem agendi paginam absolveret. Unde necesse apparet, ut ab aliquo impellente, aliorum liquorum more, ejus secretio, & motus promoveantur. Quale autem illud sit, vel esse possit, perquirendum venit.

Et sanè si nervorum fluidum propelli indiguit, nihil meliùs, & rationabiliùs ad id muneris evehi potuisset, sicut piæ matris arteriæ. At, dato quòd arteriarum officium sit sanguinem ad partes pro nutritu, & variis secretionibus deferre, & quòd dura mater motum, & structuram habeat aliqualem, his arteriis exceptionem, & dignitatem, præ aliis, addere frustra sollicita fuisset natura: &

cum

cum earundem extrema non rectâ & immediatè in nervos hient ; sed, vel in corticalium cerebri glandularum folliculos , vel aliò terminentur , ut à venis nutritionis , ac secretionis(juxtâ consuetam methodum)reliquiæ resorbeantur ; rationabile videtur , earundem impulsûs momentum in his angustis , ac vorticosis, mollibusque meandris, aliquomodò saltèm imminutum iri , ut motum nervoso fluido (qualem in exercitiis voluntariis &c. observamus) expeditissimum validissimumque , & secretionem , pro exigentiâ , impertiri non satis valeat . Quare aliundè potius *absoluta* , aut præfatæ arteriolarum virtuti momentum adjungens , *vis compulsiva* investiganda videtur .

Quod remanet intrâ cranium huic facto accomodum instrumentum , binæ sunt Meninges ; quarum tenuior , & pia immediatius cerebrum cingens , præ sui subtilitate , & forti cum cerebro cohæsione , vix investigari potest : attamen hoc innuisse sufficiat , eandem frequenter adeò filamenta de se emittere , & per universum cerebrum disperdere , ut vix per minimum spatium ab hoc separari , absque alterutrius laceratione , queat : filamentorum autem tendentiam , præ exilitate , & compactâ cerebri mole scrutari res penitus impossibilis videtur ; nisi post longam

in

in aquâ communi , & aceto , ac indè in spiritu vini peractam macerationem , quâ , cerebro tandem decedente , filorum pars multa , instar retis implicata , supersit : sicuti nuper in juvene apopletico in *Noscomio Sancti Joannis ad Sancta Sanctorum* , dissecto , *incrassatam* , *laxamque piam Meningem* , ad modum retis contextam , & facilè per ingentes portiones separabilem , adinueni . Tantus autem est hujusce membranæ ad cerebrum , in naturali statu , contactus , ut nulla supersit distantia , ad opportunam compressionem moliendam sufficiens : Undè tanta ad cerebrum vicinitas , fibrillarum frequentia , & reticularis implexus , ad undulationem potiùs , seu tremorem aliquem producendum , vel recipiendum , & conservandum (undè aliqualis cerebri contractio provenire potest) instituta videntur . Substratæ corticales glandulæ , cerebri secretoria , simplicis cribri rationem habent , ut ex nativâ firmitudine , exigitam duntaxat fluidi portionem recipiant , atque , tamquam mensuræ , in appensos nervulos proportionallyter eructent : hi autem tubuli intrâ cranium adeò molles sunt , & laxi ; ut ex ipsorum contractione tam expeditus fluidi nervosi , ut ut subtilis , fluxus expectandus non sit ; nisi validioris alicujus circumprimentis actio adderetur , quæ nonnisi à durâ Meninge emergere potest .

Et

Et quidem (ut verum fatear) ex quo , in *Xenodochio Consolationis* , hujus *Almæ Urbis Romæ* , ab anno 1690. *Medicus assistens* fui , ex vulneratorum copiâ , quæ illuc continuò afferebatur , percussio capite , & læsâ præsertim durâ Meninge , sanis cæteroquin corporibus , & fluidis optimè constitutis , mirabiles , & simul deplorandas indè ortas morborum iliades , attento animo , auidoque , post mortem cultrò contemplabar , mirabarque : quare in dies duræ Meningis usûs , & structuræ excogitata , antea dubia , intendenbantur ; ut indè investigandi incitamentum promptius susceperim ; duram videlicet Meningem , cerebri , seu potius , fluidi per nervos propellendi , veluti cor esse , cujus contractivo motu , & circumpressione , omnis ejusdem *separatio* , per nervos *distributio* , ac plurima (more inferiùs exponendo ,) *energie portio* dependeant ; coadjuvante nimirum , successivo , seu peristaltico fibrarum in spinalem medullam , & nervos ipsos undiquaque effusarum , contractivo motu , & elatere . Undè de durâ Meninge ad cerebrum , & fluidum ejusdem , concludi posse videtur , quod de corde respectu totius sanguinei rivi factis vulgatum legitur .

Ne autem hoc gratis asseri censeatur , primò ex mechanicâ hujus partis texturâ dedu-

cenda hujusmodi motûs , & usûs necessitas .
 Ad quid enim mirabili adeò artificio totam
 exornare Meningem, si ad otîû potius quàm
 ad motum constituenda erat ? Scimus enim
 naturam, quæ in omnibus eadem existit, ina-
 nes operationes haud elicere , sed robur tex-
 turis , & usûs necessitatem adnectere ; aliàs
 autem satis fuisse, credendum, si duram Me-
 ningem cæterarum membranarum more , &
 majori etiam simplicitate contexuisset . Ne-
 que etiam ad sinuum sanguinem propulsan-
 dum tanto apparatu opus erat ; cum ad hoc,
 quarta lacertorum pars , ad summum , suf-
 fecisset , & reliqua , in *stratis* , fibrarum se-
 ries extitisset superflua : huic etenim muneri
 per peculiare fibras (à *Will.* etiam indicatas)
 intra sinuum cavitates radicatae , atque per
 eorundem aliquale curvamen , & declivium
 satis prospexit natura ; unde sanguis decenti
 cursu, & remorâ intrâ justos limites detinea-
 tur, nec præterfluat. Unum verò adhuc Me-
 ningis contexturam sinubus haud famulari
 (nisi per accidens in movendo membranam)
 ulterius evincit: tota videlicet ad cerebellum
 concavitas *fibris* , *lacertis* , & *caudice* forti do-
 nata;ubi nullus sinus insidet (ad partem præ-
 sertim intimam , & posteriorem) laterales
 enim , & quartus *interseptorum* ad superficiem
 juxtâ cerebrum sitam magis pertinerent ,

D

cum

cum & superiorem cerebelli marginem excurrent; & his superior *interseptorum* structura cerebrum respiciens, abundantius suppetias ferre valuisset, absque multiplici, & peculiari inferioris etiam planitiei fabricâ; cum præsertim cerebelli *caudex*, ejus *propago*, & adstantes *lacerti* (ingentes movendi facultates) ibi insideant, ubi par exigentia non invenitur. Superest ergò, ut omne duræ Meningis opificium in gratiam nobilioris alicujus officii (quale meritò succi nervei secretionem &c. censemus) institutum à naturâ sit; ut deinceps, pro re natâ, ostensuri sumus.

Vulgata nimis opinio, apud etiam inferioris notæ homines, obtinuisse videtur, ut nullâ Meningum (duræ præsertim) motus, diastole quadam, & systole celebratus, probatione indigeret. Verùm res ita patens non est, ut omnimodam, ac penitus cæcam fidem, & ut supponunt, motûs normam, habeat: id enim, quod in infantibus de *fonte pulsatili*, seu *fontanellâ* adducitur, æquivocum esse potest, aut credi; cum motus eâ in parte, vel subjecto cerebro, seu piæ matris arteriis, potissimum verò sanguini per sinum longitudinalem excurrenti (cum ibi sinûs dorsum recumbat) & aliis hujusmodi causis imputari queat; undè nimîâ, in his disputandis, pro-

prolixitudine , & inani verborum contentione lectorem brevitatis , & facti curiosum ad nauseam usque detineremus , si in nostram ea extorquendo sententiam , operam , & oleum , impenderemus . Omittere interea nollem , me quondam *Tibure* observasse infantulam , *Joseph Montalcini* mercatoris filiam , cui ab imperitâ obstetrice , nescio quo fine , applicitum in situ fontanellæ vulgare , fuit fermentum ; inhibito , dum hoc exsiccaretur , pedetentim partis motu , capite primum nutare illa cœpit , indè in comatosum affectum , & postmodum in mortem incidit . An id ex constipato sanguinis cursu , nimia cerebri compressione &c. debeatur , judicet pro nunc quisque ad libitum ; donec ratio , ex infra subdendis , meliora forsan eligat . Scio interim de nihilo haud esse posse , post terebratum cranium , Meningis motum ad oculum observare , injectosque liquores , & pus in vulneratis , ex aperto foramine rejici ; quamvis cerebri , vel Meningum arteriarum motibus à multis tribuatur , vel tribui aliquâ ratione possit . Ad hujus rei ornatum , & robur , haud præterire fas est observationem à peritissimo in hac Urbe artis Chirurgicæ Professore *D. Mario Cecchino* , aliisque *Archiepiscopalis ad Sancta Sanctorum Assistentibus Medicis* , & *Chirurgis* , nuper habitam . Cum

adolescens annum agens decimumseptimum ad Xenodochium accersivisset ut febre curaretur, observabant singuli validam, & propemodum conspicuam, mirandamque in posteriori sincipitis sinistri pariete pulsationem; ubi tangentium digitus mollem quadantenus situm perquirens, illicò retrudebatur. Secto autem post obitum cranio, foramen duos transversos digitos latum, & ultrà tres longum ad locum pulsationis excavabatur; ubi, ossis vice, crassâ, & robustissimis fibris compactâ pelle, cooperiebatur, ab internâ foraminis circumferentiâ productâ, & firmiter ad singula laterâ insertâ. Hoc autem vitium (ut ipse ante obitum fassus est) adolescenti naturale erat, & nullum vulneris accepti vestigium in cranii integumentis apparens confirmabat. Hujusmodi cranium penès Joannem Lucam Poggi ex præfati Xenodochii chirurgis adhuc ferè recens extat, ut ab Urbis hujus curiosis conspici possit :

At enim verò cum jam satis fortasse ex adducendis necessitatibus, atque exponendis proprio capite experimentis, res isthæc de Meningis motu, dilucida evasura sit. Modò illam ex quadam tantum naturæ, & cerebri, atque cerebelli indigentia quasi supponere, aut per exponendam conjecturam,

sua-

suasam habere contenti sumus : *glandulam* nempe *cerebri maximam*, cui fibræ carneæ (cujusmodi in cæteris visceribus, liene, glandulis conglobatis &c. observavit, inter alios *Malpighius*) falliculos ad separationem destinatos, amplectentes, & succum ex jisdem exprimentes desunt; totâ hætenus descriptâ Meningis texturâ, & quidem membranôsâ, non muscolari (ne oneri esset) opus habuisse, quâ musculosarum fibrarum vices, virtute multò firmiori, suppleri potuerint,

Sicut bini necessariò esse debent duræ matris motus; unum nempe quo crispatur, & in partem concavam suprâ cerebrum fertur; alterum quo extrorsùm restituitur, & ad os accedit; ità binas esse potentias, quibus hoc munus expletur, necesse est: quales autem hæ sint, & an fibrarum strata alia introrsum, alia extrorsùm Meningem cogant, audactèr affirmare periculosum est; cum resecto canum toto cranii ambitu, & elevatâ superiori, parte, ex Meningis concidentia, alternativam constrictionem, restitutionemque observare non detur; sicuti ex aulso vivi animalis, corde hujus motus intuemur, & immisso intrâ ipsum digito experimur: Attamen, si conjecturas ex anatomicâ demonstratione elicimus, rationabile videtur, quòd tota lacertorum series, quâ cerebrum, quâ

cerebellum contegitur, & dirimitur, cum reliquis fibrarum stratis, pro constrictione (more inferiùs describendo) constructa fuerit: nullum enim ex fibrarū stratis ad dilatandam Meningem aptum apparet; cum illud quod intimum est, multiplices fibras ubique per falcem emittat: falx autem in cerebri medio sita sit, & huic potius quàm cranio inferviat: reliqua verò fibrarum strata cum hoc nimium implicantur; extimumque, nihil peculiare ostendit, dilitandi munere dignum, subjectorum enim terminum se manifestat. Tanta autem constrictioni textura, & virtus necessaria videbatur, quæ dilatandæ membranæ inutilis prorsus extitisset, cui sat esse potest, si funiculi, quibus suspenditur, contracti, & subjecti forsan cerebri, vi piæ matris arteriarum, turgentia, & suorummet vasorum & adjumento pressi sint: neque enim verendum, ne ad id ineptæ sint fibræ suspensoriæ; cum restitutionis actus, nec tantas vires, quantas constricção, exposcat; nec cerebro, aut cranio utilis fiat: quòd verò nec Meningis restitutio infirma sit, uti supponi posset, impressa intùs calvariam signa, & crassæ, sparsim emergentes ex eâdem, cranio infixæ, chordulæ demonstrant; quarum actio cum ad Meningis restitutionem intenta sit; quantâ virtute hæc introrsum flectitur,

tan-

tantâ eadem ad ossis corticem nituntur. Ipsas, si cranium vivi canis perfosso, acri aliquo liquore imbueris, adeò retrahi conspicias, ut eodem postmodum resecto, duram Meningem circa orificium (quod liquor penetravit) magis quàm in reliquâ ossis superficie adnatam comperias.

Sed cum major movendi facultas nec in hoc Meningis cortice, neque per has suspensorias fibras, neque per arteriolas ad restitutionem, neque per tria fibrarum strata tantùm ad constrictionem habeatur; aliundè inquirenda veniunt instrumenta, seu partes in Meninge, quæ evidenti, & magis validâ actione, *depressioni*, atque *elevationi* incessanter incumbunt. Hæ in cerebri centro, & posteriore parte magis, quàm in anteriore, resident; quoniam cerebri major moles, & in spinam productio, & cerebellum totum suas illic habent sedes, & grandiores potentiae moventis exposcunt nilus; ad quos exercendos *falx messoria*, *interseptum* utrumque, & cerebelli *caudex*, unâ cum *mirabili* ejusdem, *lacertorum*, & *fibrarum*, ad foramen usque ovale, *expansione*, destinantur. Dum *falx* crispatur, & in altum fertur, secum *interseptum*, (quorum planum, & centrum à vinculis immune demonstravimus) ducit, trahitque, & cerebrum parumper ad os cranii superius

adducit, & cerebellum quodammodò à compressione vindicat. E converso, ex *caudicis* contractione, *intersepta* deprimuntur, cerebellum, & spinæ principium comprimitur, & cerebrum quasi respirat. Quare mutus iste *elevationis*, & *depressionis* motus, continua dilatatio, & costrictio esse videtur; dum pars ad quam fit adductio angustior evadit, quo tempore adversa cavitas necessario ampliatur; & vicissim dum una strictior, altera laxior efficitur.

Has partes huic muneri destinatas, positus, & structuræ necessitas evincit. Ad quid enim cerebrum, & cerebellum in partes dexteram, & sinistram, & utrumque ab invicem per simplicem membranam, dirimere; cum illud ipsum nihil minùs suprà cerebellum gravitet, & simul totum impleat cranium, ac si divisum non foret? Cur falcato processui, & adstanti Meningi similem utrinque intexere fibrarum, & lacertorum seriem atque *interseptis* mirabilem, ac planè diversam in duplici superficie contexturam, & *caudicis* fortem nexum, crassiorē ad occiput Meningem, & alia hujus census, summò naturæ artificio comparare; nisi maximo operi apta, & electa fuissent? His certè (plaudente etiam experientiâ) necessitate quadam assentimur, facibus veluti præcuntibus

tibus indicatum iter calcantes; quòd si errasse (quod facile, & commune est) contigerit, ex gravitate, atque abstrusâ rei naturâ id factum arbitrare. Indicemus interim quo mechanismo exposita actio contigat.

Quoniam talia nonnisi per conjecturam ab ipsâ partium fabricâ desumendam assequi conceditur; huic insistentes, ratioabiliter credimus, quòd dum falcis lacerti versùs summum, ac ejusdem medium (videlicet anteriores ad posteriora, & hi ad anteriora, & sursum ad falcis centrum nituntur) & unâ cum adjacente fibrarum serie (quæ præsertim ab antico in posticum glomum producta ad falcis basin & subrotundum tendinem oblitteratur) crispantur; quoniam æquè ad falcis initium, & terminum disperduntur, ut in *Tab. primâ*, & *quartâ* videre est, ejusdem extrema adduci, & parumper attolli oportet: cum autem falcis principio, præ nimîâ ad cristam-galli adhæsione, & colligantiâ, accidere nequeat, ut insertio, immobili affixa, ad posteriora feratur; quâ ossi non affigitur, paulatim crispatur, & omne hujus conatûs momentum ad posteriora redundat; cumque inibi in *intersepta* expandatur, & *subrotundum tendinem* propè cerebri centrum (ubi *intersepta* moventibus potentiis promptius obsecundant) non autem ad occi-

occiput , habeat ; fursùm *intersepta* ducit , cerebrumque in angustius spatium cogit ; ità , ut peractâ undique , circâ hanc cerebri sedem (pro texturæ robore) fibrarum , & lacertorum flexurâ ; piæ matris arteriæ , & cerebrum undique (pro loci exigentiâ) sufficienter , & absque noxâ (statu sanitatis supposito) circumprimantur ; ut liquor intrâ glandulas , & extrâ easdem in appensos tubulos exprimi queat . Majori autem ad occiput cerebri ponderi , & moli , atque duræ Meningis , densioribus inibi ad cranium fibris , suspensioni , & ampliori ossis cavitati , adhuc ulterius prospexit natura per validos , & copiosos *interseptorum* lacertos ; quorum contractione (juvantibus propriis etiam fibris) cerebrum commodius sustinetur , & elevatur , cavitas angustior redditur : lacertorum enim (quorum majus est momentum) extremitas ad *interseptorum* limbum , & *falcis tendinem* exporrecta , dum verè suam originem , ad occipitis laterales trahitur parietes ulterius semper cavitatem arctat vimque indicatis usibus adjungit . Utrumque interim circâ frontem latus , glomo illi fibrarum minori respondens , laxioribus , rarisque adhesionibus detentum , in sui contractione , cerebri compressionem promovet , & *falcis* (quæ illuc virtute , & substantiâ tenuior

existit) defectum, compensat. Simplicior autem ad frontem Meningis textura, & fal-
cis gracilitas, inditium sunt minoris, in hac
fede, indigentiae; ubi cerebrum tenuius, cra-
nium minus elevatum, minorque nervorum
scaturigo, quovis circumpressionis momen-
to contenta sunt. An totius Meningis con-
tractio successivè, an repentè fiat; aut, dum
interseptorum unum ad hæc intentum est, al-
terum eodem tempore, aut diverso similia
operetur, definiant acutiores.

Verùm quispiam hæsitare posset, an, &
quomodo ex tot Meningis adhæSIONIBUS
eiusdem crispatura habeatur, quæ maximè,
ad usum, quem designavimus, potens exi-
stat; cum ulterius hoc ex eo, conceptu diffi-
cilius videatur, quòd aliquoties Meninx ad-
nata cranio reperta fuerit.

Pro his dilucidandis difficultatibus plura
perpendenda sunt, quorum consideratio,
tamquam necessaria, non omittenda. Primò
enim falx messoria, non proprio, sed Me-
ningis, dorso cranium attingit; & tantùm
illa ab hoc distat, quantà est sinûs intrà quem
sanguis præterfluit, amplitudo, membranæ
crassities, & fibrarum suspensoriarum quan-
tula longitudo: latera insuper falcis non
adeò firmiter ad os connexa sunt, quin ali-
quatenus trahenti cedant, & parumper fle-
ctan-

stantur ; ut unâ cum lacertis ad falcis flexuram magis conspicuis tota cerebri gibbositas prematur . Sed , cum & cerebrum in defunctis totam calvariæ capacitatem occupet ; idem , vivo jam animali , adhuc magis turgere (ne hûc illûc in somno , vel alitèr decumbentibus fluctuet) rationi consonum est ; cum arteriæ ubique per intimos ejusdem recessus , & multò frequentius , per extimam superficiem cum piâ matre excurrentes , sanguinis fermentantis impetu , atque ipsarum pulsatione , & folliculi corticales , vasaque indè emanantia , liquore jam secreto prorsus madentia , talem cerebri extensionem , atque turgentiam excitent , & conservent ; quâ undiquaque cum durâ matre , cerebri vicinitas , & contactus , pro opportunitate , habeatur : undè fit , ut , pro variâ ipsorum viciniâ , membrana plûs , vel minùs à cranio absque noxâ distare possit . Contactus autem Meningis cum cerebro , non modò probabilis , sed & necessarius existit ; & eum , absque sanitatis detrimento , stare , tam anatomica , quàm practica ostendit observatio : ex quo enim cranium , & Meningem , & cerebrum (more præcedenti capite exposito) disseccare cæpi ; utrinque ad falcem , cerebri convexitatem duræ matri per fibras ab eâdem productas , & vasa (absque ullâ patientum , dum

vixerant , capitis molestiâ) fortiter adnecti sæpius respexi : & elapsis mensibus , in *Noscomio Sancti Joannis ad Sancta Sanctorum* ; præsentibus Medicis Assistentibus , & plurimis ejusdem loci Chirurgis , caput Juvenis resecai , cui cerebrum in summâ parte , Meningi adeò , per fibras , & vasa è lacertorum sinu prodeuntia , & altius ipsum penetrantia , adhærebat ; ut utrumque per lacertationem duntaxat sejungi potuerit : adolescens autem toto morbi tempore , nec de minimo capitis affectu conquestus fuit , nec minutulum hujus incitum obtulit . Paucis autem post diebus in eodem *Xenodochio* , in Juvene apoplectico vix per unam , aut alteram laxiorem fibram , cerebrum à Meninge suspendi animadvertimus .

Ad adductam verò Meningis , ad suos , debitosque motus , impossibilitatem , quando eadem cranio strictissime affixa est , sequentia afferre haud veremur . Et quidem , cum , ex dictis , satis constet majus Meningis momentum , non ad periphæriam , sed ad *inter-septa* , & *falcem* haberi ; horum autem inhærentia , eadem continuò sit , datâ cerebri , & vasorum turgentia , ac ad Meningem propinquitate , aliquali cerebri elevatione , & reliquâ Meningis structurâ , cerebri conuexitatem respiciente (dummodò ipsa Me-
ninx

ninx penitùs resiccata non fuerit) sufficiens semper haberi poterit ejusdem ab cerebrum compressio : contrahi enim Meningis ambitùs fibræ , & cerebrum elevari , & in minus spatium redigi , poterunt ; cum , & stratorum textura , non quâ ossi affigitur , sed quâ interiùs lævior est , excursus suos obire debeat , & possit . Et fortassè in jis , quibus Meninx connata cranio apparet , cerebrum & sanguifera vasa turgentia magis , huic etiam proximius hærent , vel *interseptis* libertas major , & movendi facultas conceditur . Quòd si *Bartholino* , & autopsiæ fides habenda est ; sicuti naturale est Meningem duram à cranio per certam distantiam abesse ; ità ipsam eidem arctissimè cohærentem factam , præter naturam erit : & sanè hos apoplexiâ frequentius perimi cadaverum inspectio , me certior fecit , & nuper per præfatum juvenem apoplecticum , confirmavit .

Hinc , obiter , duplici de causâ , ob duræ Meningis vitium , apoplexiam oriri posse , dubitandum ; unam quidem ex multâ ejus vel fibrarum suspensoriarum mollitie , & laxitate , quâ satis crispari , & cerebrum comprimere nequeat ; alteram , quâ , præ nimiam ejusdè à cerebro distantiam , aut intimiori cum cranio cohæsiōe , tantam , quantâ opus fit , circa cerebrum constrictionem haud molitur .

Ast

Ast instare adhuc quispiam posset, difficile valdè esse, si non penitus impossibile, duram Meningem adeò circa cerebrum constringi, absque eo quòd arteriarum piæ Meningis, vel corticalium glandularum strangulatus succedat, atque nervosi succi secretio sistatur potius, vel saltem aliqua capitis affectio jugiter nos torqueat.

Cui reponimus, quòd cerebellum undiquaque à durâ matre quàmproximè cingitur; superiùs autem & ab *interseptis*, & à cerebri pondere (quantùm conceditur) premitur: & in brutis cerebelli compages durâ Meninge, absque actionum detrimento arctissimè constringitur, notante *Willisio*, de cerebri anatome *cap. 6.* Cur idem cerebro evenire nequeat, non videmus. Putamus autem alata primò absurda non accidere, quoniam corticales non modò folliculi, sed & piæ matris arteriæ, è vestigio comprimuntur, unde particularum secretio promoveri, quidem, non inhiberi potest. Verùm, consideret, vellem, quâ mechanice lymphæ continuò ex glandulis filtratur, & exprimitur: tali enim munerè fibras musculares folliculos ambientes, destinavit natura, quæ, cum in cerebri cortice deficient, dura Meninx satis superque ipsarum vices gerit. Ad ultimam autem dubii partem, illud expendere sat est; in sani-

tatis

tatis nempe statu, neque intestinale bilis & succi pancreatici effervescentiam, neque alia ejusmodi sexcenta (quorum actio similiter potens & continua est) vel incommodi minimum nobis afferre : adeoque nil mirum si, benè valentibus, Meningis compressio imperceptibilis reddatur. At verò haud continuò vel sanis corporibus, vel jis, quorum caput levi de causâ turbatur (eò quòd parvum nimis, vel amplum, vel acuminatum sit, aliave incongruâ structurâ deforme) Meningis motus insensibilis esse consuevit; quoniam sæpiùs contingit, quibusdam post partum horis, vel post somnum, præsertim pomeridianum &c. capitis gravitate, tensitate, vertigine, & aliis quamprimum evanescentibus affectibus, corripi : quorum causa induram Meningem, per accidens, refundenda videtur; quatenus stomaco cibariis referto nō mediocris capacitatis sanguiferorum compressio, atque continuatarum fibrarum tensio promovetur; ut, in dormiendo, capite horizontaliter locato, cerebroque reclinato, vasorum plenitudo quædam, hujusque turgentia excitetur; quibus, Meningis potentia quodammodò, & ab tempus enervata, sua supra cerebrum momenta augere, atque repetere (cum hominis sensibili noxâ) cogatur; donec impellentis Meningis, & resistentia

tiarum vis , in pristinam æquabilitatem restituitur : quare enarrata symptomata , stomacho jam penè exinanito , vel modicè ingestis oppleto , aut corpore in situm erectum detento , aut restituto , vel non eveniunt , vel illicò dissipantur . Propterea circa decubitus , obiter , notandum venit , quòd stare , atque rectum caput detinere , ideò homini congruentius , magisque amicum , ac salubre existit , quàm decumbere ; quoniam , cum cerebrum & cerebello , interiacentibus duntaxat *interseptis* , sternantur ; & validior in hac sede , & propè spinam Meningis virtus (ad usum sæpiùs indicatum) exerceatur naturali in situ si detineatur ipsa , minori cum incommodo , cerebro ac cerebello , inservire valet , quàm capite , aut corpore reclinato . Quod secus in brutis observamus ; progrediuntur enim ista prono capite , & naturaliter decubitus suscipiunt ; quòd & spinam suprà dorsum horizontaliter sitam habeant , cerebrumque minimam capitis partem , & superiorem occupans , in exiguâ (in quadrupedibus saltem grandioribus) veluti cellâ , unâ cum superincumbente cerebello , recondatur : undè in his tota virtus in unâ extremitatum , secundùm animalis longitudinem collocatur , & æqualis est , ut angulum cum horizonte constituat ; cum

in homine, in summitate confideat, & lineam perpendicularem effingat: illis siccò incessus, & decubitus horizontalis, huic erectus positus, naturaliter convenit, & faciliùs fertur.

Ad potentiæ Meningis, intrà totam calvariam, complementum, superficies cerebellum amplectens non postremum obtinet locum; & sicuti peculiari texturâ, ita & diversiformi movendi actione, ac mechanismo donatur: cerebrum enim, dum falx arctatur, & sursum *intersepta* trahit, in ambitu, & superiore cortice magis comprimitur, & elevatur: cerebellum verò deorsum eâ mechanice premitur, quam ejusdem situs, & Meningis cohærentiæ evidenter demōstrant: considerandum enim cerebellum inferiùs immobili calvariæ supersedens, & pondere ipsam onerans, & *caudicem* per extremas radices tenacibus vinculis propè foraminis exitum, veluti clavis defixum, vix per latum unguem dimoveri, & in opposita (nisi quantum hujus nativa extensio ferre potest) flecti posse, aut debere. Dum ergò *caudex* brevatur, versùs immobilem, cui affigitur, terminum, videlicet ad inferiora, necessariò brevatur: brevatur autem non ipse solus, sed quanta est ejus expansio; quæ cum per omnem penè lateralem *interseptorem* (ad foraminis uf-

usque *ovalis* limbum) inferiorem superficiem extendatur; eandem cum *interseptis* secum rapiet, & cerebellum includentem capacitatem angustiore faciet, & hoc ipsum comprimet. Sed & lacerti *caudici* adstantes, & reliqui utræque occipitis cavitati, seu fossæ, correspondentes, dum ad inferiora contrahuntur, posteriores cerebelli eminentias adhuc ulteriùs urgebunt; quoniam eo in situ (præ laxâ, & sæpiùs nullâ adhæsione) consentiente Meninge, ultrò in anteriora cerebellum ad ossis petrosi parietes veluti alident, & delicatè compellent: uno verbo; idem comprimunt. Undè potissimum potentiæ ad cerebellum *momentum*, in supremâ, mox posteriori ejusdem superficie habetur. Quare id quod falx ad cerebrum, *caudex* ad cerebellum (diverso paulisper mechanismo) operatur.

Neque, in hac veluti cerebelli collisione, pertimescenda calvariæ, ad ossis præcipuè petrosi latera, asperitas; quoniam ubique substratâ durâ Meninge munitur; quæ idcirco tenuior, & simplicior, valideque ossi adnexa in universâ pariter cranii basi visitur; ut pro simplici cerebri, & cerebelli tutelâ inserviat, ne ab ossis rugositatibus lædantur.

Siquis formam, quâ dura mater crispari

possit, ac soleat, curiosus perquireret; ejus rei effigiem haud similiùs intuebitur, quàm elixatione peractâ: videbit enim humanam potissimùm Meningem, totâ sui amplitudine (modicam etiam post cocturam) ad mediocris curbitulæ molem, & figuram restringi: quapropter pars anterior ad posticam, & latera propiùs adducta, basin (quæ antea in crudâ Meninge laxior erat) strictiorem, & compressam, summitatem verò acuminatam magis, & latam constituunt; ut ex *interseptorum* elevatione, sursum attolli, ac partes inferiores ad centrum superius ducere appareat. Quæ per similitudinem, Meningis naturali contractioni concipiendæ, proficua esse queunt. Undè præfatus contrahendi mos erui possit, satis ex superioribus elicitur, lacertorum ortus & insertiones, fibrarumque, per glomos communicantium, situm expendenti. Maximam ad hæc loca (itâ & per caudicem) motûs potentiam erogari ex elixatâ Meninge etiam deducitur, dum ibi textura foras primùm, & evidentius erumpit. Quare asserta firmari videntur, harum partium usum, non ad simplices cerebri, & cerebelli divisiones esse.

Ob alternativam duræ Meningis suprâ sanguifera cerebri vasa, & ipsum cerebrum:

brum compressionem, ab arteriis in folliculos corticales, & ex his intrâ nervorum tubulos exprimitur, atque propellitur, à sanguine derivatum fluidum; quod fortassè (eâ ratione, quâ sanguis, vi cordis, intrâ arterias trusus) eisdemmet tubulos turgentes constituet, atque eorundem parietes diducendo, dilatabit. Propterea animo concipiendum est, ad Meningum (duræ præsertim) compressionem, corticales glandulas, tubulosque appensos ampliari; ut appulsum fluidum facilè admittant; non minùs ac arteria propè cor, & in reliquâ ejus diffusionem. Aliqua ergò similiter in fibrâ nerveâ turgentia contingat, ob novam fluidi intromissionem, necessarium videtur. Quare si curiosus aliquis rerum naturæ scrutator, succo intrâ nervos fluenti velocitatem, unâ & activitatem tantam, quantam aliqui auctores eidem hætenus concesserunt, denegaret, fidemque inveterascentem subdendis rationibus suspenderet, non esset prorsùs improbandus, sed ejus dubia perpendenda. Videtur itaque, ait idem, quòd velocitas succo nervoso detrahenda sit, cò quòd non *continua* sit, sed quâdam *intermissione* mixta *constrictio*, ejusdem secretionem, distributionemque promovens, ut fluidum morulas aliquot in cursu recipiat: hinc vi-

tiatam Meningis actionem , varii spirituum
 defectus , aut enormitates , vulgo nuncu-
 patæ , motus scilicet segniores , vel citatio-
 res sequuntur . Sed neque activitas tanta
 esse potest , quanta supponitur ; cum potis-
 simum nervosi liquoris motus momentum
 à Meningis compressivâ virtute , tamquam
 ab embolo , dependeat , quâ certè majus esse
 nequit ; sicuti sanguinis motus , nec velo-
 cior , nec major cordis motu , & arteriarum
 circumpressione existit unquam ; alias mil-
 lies citius in die circulum suum absolveret .
 Quin , etiamsi fluidum nervorum infinitæ
 activitatis , atque velocitatis supponatur ,
 vix percipi aut credi potest , quòd intrâ fi-
 bræ tubulum (si hæc cava concipiatur) vel
 inter fibram & fibram , eâ velocitate , & vi
 transvehi queat , quantâ videmus in dies
 nervorum motus celebrari . Occurrit porro
 fibræ resistantia continuò superanda ; quæ ,
 cum ex naturali , ut ita loquar , genio , ad
 sese introrsum contrahendum , mutuum-
 que unius ad aliam accessum propendat ,
 fluido præterfluxuro obex intenditur , & ve-
 locitas , & vis infringuntur . Neque confu-
 giendum ad nativam spirituum volatilita-
 tem , ac summam movendi , penetrandive
 facultatem , quâ , instar liquorum arte chy-
 micâ paratorum (nisi hermeticè claudan-
 tur)

tur) avolare , vasa penetrare , ac dirumpere nituntur : nimiùm enim violenta , irregularis , atque momentaneæ durationis foret isthæc naturæ norma , & rationi etiam non mediocriter dissona : spirituum enim materia ex fluido sanguineo , glandularum ope , cribratur , & per vim impulsûs in motum cietur ; quâ deficiente , vel leviori etiam de causâ , in ipsis secretoriis congelatur ; lymphæ enim facilè torpentis species est , & , uti notavit , inter plures , *Malpighius* , concrescibilis : ait enim , de cerebri cortice : *his scilicet* (loquitur de nerveis vasculis) *sectis copiosum quendam succum ovi albumen referentem , igneque concrescibilem , emanare , in secto brachii nervo observavi* . Hinc tota spirituum energia per similitudinem , & vulgarem potiùs dicendi speciem intelligenda videtur .

Undenam igitur eveniat , quòd nervorum motus adeò velox sit , & potens (ut in exercitiis spontaneis , animi passionibus , aliisque hujus generis molestiis quotidie experimur) non admodum captu difficile videtur cogitanti ; neque Meningum substantiam , neque motum intrâ calvariæ claustra coërceri ; ast deorsum in spinæ involucrum , & continuatas nervorum propagines ad extrema usque corporis extendi simul , & propagari : nervus etenim quilibet , si non Me-

ningis alterutrius, aut utriusque (quò ad medullam) expansio est, ab earundem propaginibus involvitur saltem, firmatur, viresque summas, & potiores, unà cum reliquo fibrarum genere (cujusmodi suspicionem exponenda excitant, roborantque experimenta) suscipit; propterea omnis fibra commodius ad motum, & sensum intenditur. Quibus, ut decet, perpensis, non à ratione dissonum futurum arbitror, ut dura potissimum Meninx in gratiam non solum cerebri, cerebelli, & fluidi nervosi; sed & successivi, sive peristaltici, ac naturalis motus (unà cum piæ Meningis effusionibus, & membranoso spinalis medullæ, nervorumque cortice) quaquaversum propagandi, & spontanei etiam promovendi, fabrefacta, aptaque credatur: nulla enim alia pars intrà calvariam, spinam &c. his usibus commodior, tum ob substantiæ firmitudinem, & frequentem partibus nexum, tum ob tensivam actionem continuò perferendam, reperitur. Glandulæ namque cerebri corticales, eorumque excretoria vascula, medullarem portionem constituentia, quamvis membranæ sint; mollia tamen nimis, ut superius attigimus, existunt, ut opportunè tendi non possint; & dolorem, molestam scilicet, aut etiam naturalem sustinere tensio-

tionem, qualem sæpissimè in morbiis capitis
 perſentimus, aut per externa incongrua ob-
 jecta ad caput, medio fibrarum contactu,
 derivatam animadvertimus, vel sponte
 quandoque excitamus. Quid enim sunt ner-
 vi in medullâ cerebri, cerebelli, spinæ, &
 propaginum, nisi deliçatissima sui generis
 vascula, vehendo peculiari fluido dicata;
 aut molles chordulæ, leniter adeò, & deli-
 cato principio affixæ, & fermè in aëra sus-
 pensæ; ut nec tam citò, nec tam validè eas-
 dem intendi expectare possis; quin subita-
 neo motui, ex voluntate exequendo, vel
 violentæ extrinsecùs advenienti impressioni
 suffocandis potiùs (massæ instar laneæ impe-
 tum quemlibet retundentis) aut præ ruptu-
 râ, evertendis, quàm sustentandis pares cre-
 das. Deinde incertum est, an corticalium
 folliculorum, excretoriorumque contextu-
 ra, ex peculiari membranaceâ materiâ, an
 ex Meningis alicuius, arteriarumve expan-
 sionibus, componantur: Cum enim aliquo-
 ties in cadaverum sectionibus, cerebro se-
 roſitatibus turgente, piam Meningem ida-
 tidibus, instar granorum milii, sparsim ei-
 dem hærentibus, in apoplecticis quibusdam
 refertam observarim; certè vesiculas corti-
 calium cerebri glandularum, ex tenuis
 membranæ expansionibus, stirpes esse suspi-
 ca-

cabar : undè (cum excretoriâ folliculorum sint productiones) si aliqua his vasculis tensitas inest , ea ab unâ Meningum adveniret .

Duram Meningem præfatis usibus aptissimam (ejusdem non obstantibus intrâ cranium , & per spinam adhæssionibus) credimus : hæ enim potius ad fulcimentum inserviunt ad tantos , & continuatos motus , ac laborum impendia sustinenda : neque enim irregulariter certisque intervallis moveri debebat ; neque per longos tractus sursum , & deorsum duci ; sed ordinatè , & perpetuò , ac per minutos excursus laxari , & contrahi ; seu etiam velut undulare , ac tremere ; & (non minùs ac chordæ musicæ) ictus impressos exprimere , & sustentare . Quapropter , cum membrana ista proprios , & advenientes motus explere indigeat , pluribus (plusquam in musicalibus instrumentis chordæ) locis affigi ipsam oportebat . Neque figmenta sunt , quæ exponuntur ; experientia namque ostendit , datis omnibus Meningis adhæssionibus , eam nihilominus validè , & absque rupturâ contrahi ; nam terebrato animalis cranio , & inductâ , per stimulum aliquod Meningi irritatione , juxta impressæ labis violentiam , animal in continuatâ parte tremit , convellitur &c. ; cessante , enervatove stimulo , minùs agitur , aut omni-

nò quiescit . Dum verò Meninx naturali, vel adveniente motu concitatur , non cessat liquidum per molles nervorum tubulos exprimere ; sed ad id præstandum aptior fit, si-ve intra cranium , si-ve per spinam , & probabiliter per omnes nervos quos investit .

Ad horum aliqua penitus inutilis pia mater non videtur : quæ , et si minus agat , minusque hæreat , incertumque sit , proprione, an arteriarum ipsam intextentium duntaxat motu fruatur ; non tamen extrâ rationem, est , eandem nec propè immobilem , & recipiendis saltem impressionibus accommodatam censere ; cum per multas partes profundatur ; & oculorum membranulæ , quæ ab ejusdem fibrarum expansionibus contexuntur , ad sensationem aliquam sint destinatæ .

His præmissis , facilius est , & congruentius explicare cur , & quomodo spontaneus præsertim , motus in instanti , & tantâ vi propagetur , novum etiam si fluidum ad extremas partes , quæ moventur , si-ve secundum suas particulas copiosius , si-ve secundum undulationes non perveniat ; vel ab extrinseco objecto , fibrillis illata impressio , absque fluidi ad suum principium , per idem canale refluxu (sed chordarum musicalium, intentarum instar ex contactu undulantium) primo , & communi sensorio particeps-
tur .

tur . Item cur una fibra præ alterâ robustius intendatur , & citius . Et quoad hæc .

Ponatur quòd ex naturæ instinctu , aut imperante voluntate moveatur ea pars membranosa intrâ cranium , cujus viliquidum nervorum secernitur , & fluit : moveatur pariter pia mater , & canaliculus è glandulâ corticali emergens , intrâ quem liquidum , seu spiritus dictus animalis , continetur ; moveatur & liquidum horum canaliculorum . Afferendum videtur , quòd velocius , & fortius movebitur , seu undulabit &c. dura mater cum suis expansionibus ; minùs pia , & nervei tubuli ; & adhuc minùs liquidum , quod intrâ eosdem fluit . Eodem namque momento temporis , & impulsûs , quo fibræ diversam habentes consistentiam , & tensitatem , contrahuntur , inæqualiter contrahantur oportet ; sicuti diversæ chordæ musicæ , inæqualiter tensæ , eodem momento , & contactu pulsatæ , diversum edunt sonum ; scilicet , motum , & undulationem diversiformem suscipiunt : hoc autem ex ejus , quod movetur , dispositione provenit , cum impetus ad modum , etiam recipientis recipiatur . Quæ ergò tensæ magis , & robustæ sânt fibræ , ocyus , & validius movebuntur , undulabunt &c. , Quare citius , & fortius movebitur pars fibro-

la

sa duræ Meningis , utpotè tensa magis , & validior ; minùs piæ matris fibræ ; & adhuc minùs nervei molles tubuli , tam intrà , quàm extrà cranium . Quod autem ad fluidum attinet ; ponatur , quòd diversæ hæ partes fibrosæ , seu canaliculi , unà cum liquoribus , quos continent , moveantur : stare videtur , quòd ocyùs , & per longiorem tractum movebitur , seu undulabit eodem instanti , contractu &c. fibra , canaliculus &c. quàm liquor intrà fibram , canaliculum &c. contentus : & hoc proportionalitèr ad cujuscumque fibræ , seu canaliculi , & fluidi cujussibet indolem . Talia primò patescere possunt ex eo , quòd liquidum de loco in alium non moveatur , nec fluat , nisi solidi impulsus adveniat : sic sanguis non movetur ab unâ in aliam partem , nisi cordis , arteriarum &c. vi prematur : fluidum nervorum nonnisi Meningum compressione sollicitatur : & ità successive de singulis , fibrarum etiam , fluidis dicendum videtur (quoniam una est omnium naturæ norma) quòd , nisi constringatur fibra &c. , non movebuntur (dato enim circulo , omnia fluida in gyrum compelli debent) sic videmus , fibris , canaliculis &c. laxatis , eosdem intumescere , quòd fluidum ipsorum non satis circumprimatur . Cum ergò fluida localiter moventur ,

tur , secundum vim impulsus , & contractionis fibrarum , canaliculorum &c. primario ; deinde quantum fert fluidi consistentia , & reliquæ , si quæ sunt aliæ , proprietates , moventur . Propterea intra eandem fibram , si ve canale , eodem instanti , & impulsu minus fluida undulabunt . Quod , eo clarius evasurum est , si concipiatur fibra , canaliculus nervosus &c. , & fluidum eorundem , ex loco , ubi motus canaliculi , fibræ &c. & fluidi dispensatur , eodem impulsu , & momento temporis , naturaliter , aut spontè moveri . Dum tenditur , sive contrahitur illa prima pars fibræ , canaliculi &c. & prima illa portio fluidi intra fibram &c. propellitur , & ingreditur : eodem illo instanti , quo fibra &c. contrahitur , ejus tensio decem , puta , spatii digitos occupat ; dum fluidum vix digiti dimidiam partem intra eandem fibram metitus est . Talia ergo ita vicissim fient ; ut , quo tempore fibra integra contracta fuerit , ejus fluidum quartam ad summum fibræ partem percurrerit : perveniet ergo prius motus fibræ ad partem movendam , quam fluidum ab origine eadem , & eodem tempore &c. intra eandem fibram pulsus . Hoc non modò contingit , quia fibra corpus solidum est , cujus particule mutæ extremitatum uniuscujusque tantum-

modò continuatam molem efformant ; ut dum harum particularum una movetur , alteram adnexam , absque temporis interpositione , secum rapiat (quod in fluido secus eveniat oportet , cum particularum per simplicem superficiem se tangentium aggregatum , seu corporum cumulus existat) Sed contingit ulterius ; quia multa fluido intrà fibram &c. occurrit resistentia , quâ hujus expeditus motus (ut ex supra adductis rationibus satis colligere est) identidem retardatur . Undè , quamvis liquido quadantenus turgens supponatur sectionem tamen illam , ubi fibra constringitur , nec liquor , nec liquidi undulatio prætergrediatur . Cujus rei testimonium sit ipsa experientia ; dum ingenti timore percussos , repentè obrigescere , ac veluti siderari , omnique fluido tamquam exinanitos , ex vi contractarum fibrarum , conspiciamus .

Quapropter patet primò ex dictis , fluidum nervorum , cum potius lentum sit , & quatenus per molles ductus fertur , tantæ velocitatis , & energiæ non esse , quantæ à plurimis existimatur .

Patet secundò maximum robur nervis à Meningibus derivari ; quatenus harum expansione firmantur .

Patet tertio , quòd fluidum eodem instan-

ti, quo fibra, canaliculus &c. per longum tractum movetur, neque secundum substantiam, neque secundum undulationem totum illud spatium, per quod fibra contrahitur, sed minimam tantum partem (quam pro lubitu fingere possumus) occupet: unde minus moveri fluidum intra fibram, quam eadem fibra; scilicet tardiorrem esse fluidi, quam fibræ motum apparet.

Ast, si naturalis motus norma, ex eâ, quæ communiter affertur, sententiâ, docet; fibram naturaliter nec tendi, nec laxari posse, in quâ liquidi iusta quantitas, & qualitas non reperiatur: cum per eandem regulam, duntaxat adauctam, spontanei motus actio perficiatur; id fiet, ut ea tantum fibra, si-ve pars fibræ, per voluntatis imperium, seu advenientem motum, moveatur, ad quam advenientis liquidi copia, seu etiam undatio vehementior, (major enim tensio, copiosius liquidum, aut grandiorrem liquidi undationem exposceret) pertigerit. Cum autem ab summo emanationis liquidi, ad motum destinati, principio, ad extrema usque corporis (sicuti ex arbitrio repente partes tendimus) talia in momento (etiamsi fibra &c. fluido naturaliter sit plena) non fiant, concludendum videtur quod id, quod ab origine motus in actionibus etiam spontaneis

ad partes , quæ moventur , derivatur , non sit copia liquidi , sed major fibræ actio . Plura pro nunc afferre supersedemus .

Quamvis duræ Meningis (cujus nomine , tota ejus extensio complectenda) motus , ob multiplices ad ossa colligantias , cerebrique usque elongati viciniam , concitatus adeo , & violentus , sicuti in corde , non appareat ; robustum tamen , & validum plura ipsum , ostendunt . Non enim de nihilo est , quod ejus tanta sit ad cerebrum compressio , ut fluvidum , veluti lymphaticum , in corticali substantiâ secernatur ; secretumque , per , & extra tenax cerebri corpus trajiciatur . Quod si intimiùs duræ Meningis potentiam , & cordis expendamus ; plurima pro Meninge ratio stare videtur : Etenim si *Louueri* , facile cordis patroni , dictatis insistamus ; cum ex ipsius sententiâ , tota quanta est cordis impulsiva vis , quâ & se ipsum agitat , & sanguinem undiquaque urget , à cerebro , tamquam coelitus , adveniat ; fortasse ad id asserendum duceremur ; Meningis virtutem infinitè suprâ cordis robur extollendam fore . Cæterùm , cum cordis impulsus neque totus propriæ fabricæ , neque capiti omnino debeatur ; plurimam tamen movendi facultatem ab hoc exposcere non inficiandum : ut per animi pathemata , cordis pres-

siones variis formis alterantia (inter cæteras occasiones) sufficienter erudimur . Tutior hæsitandi ansa foret , vim à calvariâ proveniente si non cordi supèriorem , eidem , saltem cœqualem esse censendam . Dubium istud intendi posset membranæ , & cordis resistentias explorando : dum dura mater circa corpus cerebri grave , & tenax agit ; maximumque hujus potentiæ momentum , non in ambitu tantum (sicut in corde fit) sed per intersepta , caudicem , & falcem , in centro habetur : cor verò massæ cruoris fluxili impellendæ continuò occupatum est ; quæ tantò citiùs , ac faciliùs ejus impulsivæ constrictioni cedit , quantò cordis compages , ac fortis consistentia , illam sanguinis excedit ; qui , si in conicos canales immediate non contruderetur , millies velociùs circum suum absolveret , quàm citatus *Louvers* demonstraverit . Sed adhuc magis Meningis potentia ex hoc elucescit , quòd cuicunque fibrarum generi majorem tensitatem conciliet , & pro re natâ adjungat : quod fortasse paradoxum videretur , nisi præsto esset ipsamet autopsia ; cum , quo latere (cranium canis perfosso) dura mater liquore acri , vel corpore quolibet aspero irritatur , tremor , convulsio in musculis , membranis , thorace &c. statim irrepit ; & si , injecto sæpiùs

piùs per foramen liquore pingui, & molli, aliquantisper Meningis tonus enervetur, animal ut ut robustissimum, sensibus obtusum, atque ad motum impotens constituitur: ut in sequenti Capite ostensuri sumus. Intereà motus hi à Meninge ad partes, tamquam ad tot resistentias, derivandi, robur principii, à quo effunduntur arguunt, & exquirunt. Silentio pronunc committere, fas est cordis potentiam mixtam, & alia quæ hîc, nonnisi summo cum Lectoris tædio, infererentur.

At enim verò dubitare denuò posset præcitatus rerum naturalium Scrutator, quòd mox exposita convulsionis, aut attoniæ (ex diversis duræ brutorum Meningi inductis læsionibus) succedentia fibris, & corpori symptomata, quæ à plerisque aut fluido (à durâ etiam Meninge) irregulariter per nervos propulso, aut, præ deficiente Meningis compressione, retardato &c. provenire, credi possunt; ab auctâ magis fibrarum, Meningis, huicque continuatarum tensione, aut relaxatione, quàm à fluido in cerebro secreto, & ad partes derivato pendere. Mihi persuasum habeo similem dubietatem ortam primò esse ex allatâ superius suspicionem, circâ citatiorem fibræ, quàm fluidi intrâ eandem fibram motûs propagationem;

deinde ex observationibus incrementum sumpſiſſe . Pluries enim in *Xenodochio Conſolationis* de Urbe , ab anno 1690. , adnotatum fuit, quosdam capite vulneratos abſque delirio, tremore, paralyſi, aliſque congeneribus ſenſûs, & motûs moleſtiis; ſed febriculâ & emaciatione ad ſexaginta uſque dies, & interdum ultrâ, perduraſſe : Tandem horribus, & quandoque delirio, vel ſomnolentiâ correptos, trium circiter dierum ſpatio interjiſſe : quibus, cranio diſiſo, totum cerebri meditullium, aliquoties ejus magna pars, in fœtidum pus converſa erat; dum Meninges, ex purulentia contactu, læviſſimam, & recentem labem contraxerant . Ex quibus certè deducere fas eſſet, cerebri putreſcentiam, haud poſtremis diebus inductam, ſed febriculæ, ac ſiderationis ſenſim, inductæ, cauſam, & ſociam extitiſſe; & cum poſtmodum acres puris particulæ ad Meninges (adaucto jam apoſtemate) devenerint, expoſita ſenſûs, motûſque inducta fuiſſe, necemvix præcedentia ſymptomata . Quis autem ex putido putrique cerebro optimam fluidi ſecretionem, diſtributionemve expectabit, undè ſenſus, & motus ad tot dies viſgeant, ſicuti mox notatum vidimus . Et Præclarisſ. in noſtrâ Italiâ *Auctor* cap. de Paralyſi, obſervationem aſſert in viro ampliſſimo,

mo , cui alterum tantum latus resolutum
 fuit , cum tamen cerebrum utrinque esset
 sphacelo corruptum , & universa ipsius , &
 spinalis medullæ moles sanguine obruta .
 Cani benè valenti , si datâ operâ , per liquo-
 res acres in ejus durâ matre gangræna , vel
 per molliusculos , relaxatio inducatur ; abs-
 que cerebri , & quandoque etiam piæ Me-
 ningis , sensibili saltem , noxâ , motum nihi-
 lominus , & sensum deficere experimentis
 quamprimùm comprobabitur . Notatu di-
 gna ad hanc rem est historia puellæ sine ce-
 rebro natæ , apud *Zodiacum Medico-Gallic.*
 Anno tertio , observat. tertiâ Dom: Clerici
 „ Medici Compendiensis ; ubi legitur . No-
 „ bilem quandam gravidam variolis correp-
 „ tam , & tandem sanatam , post debitum
 „ tempus puellam feliciter enixam esse , quæ
 „ in lucem exiit sine ploratu , mammam
 „ non sugens , tantum lacte sustentata , paucu-
 „ lo vino , & saccharo per quinque dies .
 „ Aphonia illa perpetua , motûs & sensûs
 „ privatio in toto corpore , sed præsertim
 „ tumor capiti ab ortu innatus , consistentiæ
 „ flaccidæ , & fluidæ circa futuram corona-
 „ lem quæ , hiare videbatur ; hæc inquam
 „ omnia nobis cupiditatem dederunt ulte-
 „ rius in causas ab obitu inquirendas &c.
 „ & paulò inferiùs . In totâ cranii capacitate

„ nihil, præter aquam limpidam, deprehen-
 „ dere licuit omninò adimplentem mem-
 „ branas, nullo præsentē cerebro, aut sub-
 „ stantiâ solidâ. Hæc, si vera sunt, plura,
 „ quàm impræsentiarum opus sit, probarent.
 Puella enim eâ vitâ, & accretione, absque,
 spiritu animali, frui potuit, quæ ad debitam
 usque intrâ uterum mansionem, atque extrâ
 hunc pro eâdem conservandâ ad aliquod
 tempus, per solam semper fibrarum actio-
 nem, suffecerint: quòd si nec sensus, nec
 motus aderat; ex Meningum, nimio humo-
 re madentium, enervato tono fiebat, ut per
 consequens pressiones, ac successivæ earun-
 dem fibrosarum expansionum undationes,
 ad peristalticum motum opportunæ, infir-
 marentur, & perirent. Quapropter adducta
 suspicio de Meningis, & fibrarum ejus vir-
 tute, haud prorsus inanis judicanda: quo-
 niam hæc dubia sunt, quæ rationabiliter à
 quopiam exponi possent; cum, an in naturâ
 hac, vel aliâ ratione contingant, nulli mor-
 tallium adhuc compertum. De his autem
 plura in libris de vi, & morbis solidorum
 acturi sumus.

Cum duræ matris usque adhuc structu-
 ram, motum, hujusque mechanismum, &
 momentum lustraverimus; inquirendum
 mox esset, undenam potentia hujusmodi
 moti-

motiva ad membranam istam accedat: quod penès me tantam involuit difficultatem, quantâ aliæ omnes naturæ res obscurissimæ offundi confuſeſcunt: dato enim quòd nervi ad eam aliqui reſluerent, omnis illicò cæcitas illuſtraretur, & inanes perirent quæſtiunculæ. At cum, in cadaverum ſectiõnibus, ipſorum vel minimum veſtigium, nec mihi unquam animadvertere, neque in graviffimis legendis Auctõribus in eorundem mentionem incidere contigerit: nihil dubito meas interea circa hanc rem pariter exponere conjecturas, donec meliori atramento forſan conſcriptâ aliquando nervorum Meningis hiftoriâ, libenti animo ad eruditionem hanc excipiendam, & ſubdenda retractanda ſim invitatus. Primò itaque videtur quòd Meninx craſſa nervis non indigeat, cum ſuper omnes valdè emineat, & robur illis, quos inveſtit addat. Ipſa inſuper (dato quòd nervos reciperet) vel per portionem nervi fibroſam, vel per fluidum advectum moveretur: Primum captu difficile eſt, quoniam ejusdem membranæ propagines, fruſtra, & contra naturæ inſtituta, quantillum motum in ſuum retorquerent principium; tenuioris autem, ac mollioris alterius proſapiæ filamenta quid ad tantam, ac tam validam Meningis molem valeant,

aut valere queant non video . Eædem omnino difficultates pro nervorum succo militant; qui si per vim Meningis secernitur, hæcque à nerveo. liquore moveri supponitur ; quomodo hæc sine illo in motum primò acta est ; aut ille absque membranæ comprimentis momento, filtrari, & ad ipsam asportari potuit . Horum ergò alterum, & quod alteri superesse hætenus ostendimus , independens agnoscere opus est .

Neque duræ Meningis arteriolæ, ejus motioni absolutè causandæ capaces existimandæ sunt ; numero enim paucæ per exteriorem ejusdem corticem sparguntur , & excurrunt , nec sextam peripheriæ partem occupant ; quæ interiùs serpunt vix illius substantiam penetrant , quin mox in sinus oblirescentur ; ut inspicere quisque suapte spontè potest. Neque jisdem (etiamsi copiosiores forent) talis natura (ut alibi signatum reliquimus) nec tantus impetus inest , quantus ad motum duræ Meningis exigitur; etenim, cum (juxta doctiss. *Gulielmi Cole* de secretionibus animali, placita) minores rami præ majoribus sub eadem longitudine majorem proportionem habeant ad sanguinem suscipiendum , ut propterea motus ejusdem in extremis, & capillaribus tardior sit ; etiamsi sanguinis vires ad motum Meningi præstandum

dum extollendæ forent, impræsentiarum admodum imbecilles existerent .

Neque cum, ex accidenti aliquo , cruoris ad caput, derivatione imminutâ , aut suppressâ , vertigines , deliquia , & graviora, etiam symptomata insurgunt , Meningis facultatem motivam sanguinis forsan arteriosi culpâ inhibitam, eamque ab ejus alluvie exortam arguit ; sed determinatæ tantum cerebri ejusque folliculorum turgentia necessitudinem evincere videtur ; ne Meningis compressio (non enim præ adhæSIONIBUS ad cerebrum accedere potest) irrita fiat , fluidique per nervos propellendi materia deficiat ; cerebrum namque sanguine appellente turgidum , & propterea etiam Meningi proximum continuò esse , superius tamquam certum , & absolutè necessarium ostendimus . Quòd si per carotidum arteriarum , & vertebralium ligaturas Meningis motio , terebrato cranio , ad oculum intercepti videatur ; hoc tamen verè non contingit , alias animal per apoplexiam confertim interficeretur ; quoniam si Meninx ab arterioso sanguine movetur , hujus ad ipsam com meatu intercepto , cesset Meningis momentum , & fluidi nervosi , in instanti quidem, secretio sistatur , & (si ab hoc fluido tantum pendeat) motus omnis , & sensus una

unà pereat oportet . Cessat ergò illa arteriarum , per externum membranæ corticem excurrentium, pulsatio; & turbatur , immittiturque rationabiliter sinuum , & Meningis motio; quoniam illud arctatur spatium , quod antea ab alluente sanguine turgidum , extensumque detinebatur . Cæterum cum majus Meningis momentum , nec per ipsius restitutionem ad ossa calvariæ , nec in cortice, sed ad interiora per stratorum fibras , & magis in centro per *falcem* , *intersepta* , & *caudicem* (per quæ elevationis , ac depressionis vicissitudines explentur) habeatur ; non video quid, ex suppressâ per vasorum ligaturas exteriori illâ arteriolarum pulsatione, contra ea quæ exposuimus, deducatur .

Verùm dato quòd majora ex injectis vasorum ligaturis Meningi , & capiti contingerent symptomata ; haud propterea rectè inferendum esset , arteriolarum sanguinem , motioni primas tribuere . Cum etenim animalia machinæ sint , non (veluti horologia, & alia hujusmodi) siccæ , sed ex solidis, & fluidis æquè constructæ : quidni fluida continuò irrigandis nutriendisque solidis, & hæc illis propellendis occupata , alterum alterius actione mutuò indigebit ? Quæ enim est ea pars fluida , quæ sine solida , hujusque actione, & è converso, persistat ? De-
cipi-

cipimur nos quam sæpius , effectui causæ rationem , & vicissim contrario more , adscribentes . Satis non video cur naturæ repugnaret , quòd solida proprio , & majori momento se ipsa , & fluida moveant , & ab his movendi tantum facilitatem hauriant ; cum interea hoc naturæ adversari non dicatur , quòd nempe fluida dent solidis motum , ut ipsa postea ab his ipsis moveantur . Quidquid tamen sit , ea continuo expendenda difficultas ; quòd , videlicet , sive fluida moveant solida , sive hæc illa ; semper ad primum principium , quod illud primum moveat , quod alterum movet , & quod ab eo , quod ultimò movetur independens , vel saltem minus dependens sit , confugere oporteat . Quod certè tam de fluidis , quàm de solidis absque naturæ repugnantia dici posse , verisimile apparet . Ast , ne prolixam magis difficilem hanc appendicem ipsâ materiâ , quam tractare cœpimus , instituamus ; pro nunc ad promissa (ubi quoque de causâ Meningis motrice conjecturas exponemus) Lectoris animum suspendimus .

Pro hujus Capituli coronide perquirendum foret , num dura Meninx nutibus voluntatis , & quomodo obsecundet .

Ad hæc elucidanda , quamvis per rationes , nulla , vel saltem abstrusa valdè via existat ;
in

in partem affirmativam nihilominus faciliùs ducimur, eò quòd rei fermè certitudinem ostendat experimentum; quo, post trebratum canis cranium, irritatâ non mediocriter durâ Meninge, musculorum à propriâ etiam investiente membranâ denudatorum motiones alterentur. Musculi autem sunt voluntarii motûs instrumenta, ut omnis schola fatetur. Quâ verò ratione eveniat, ut dura mater incessanter, & tota (videlicet ad cerebrum, cerebellum, spinam &c.) pro involuntariis, & spontaneis actionibus moveatur: dum autem ex arbitrio movetur, ad musculos tantùm adveniens ejus actio se extendat, aut extendi appareat, cor verò, intestina, & reliqua, naturalia dicta, viscera, pari ratione afficere nequeat. Hoc id est, quod scitu difficilimum est, ac per nullam rationem ostendibile. Standum ergò esse sensibus (cum per rationem nihil veri assequi valeamus) sapiens quilibet admonet; & per experientiam discimus, ex duræ Meningis læsionibus vomitus, spirandi difficultates, cordis palpitationes, membrorum subsultus, & alia excitari, ad utrumque motum spectantia symptomata; sicut etiam ex animi pathematibus (quæ fibrarum membranacearum intrâ cranium, potius quàm fluidi nervosi passiones esse,

essen-

ostendere aliquando conabimur) paulò his mitiora , aut dissimilia evenire frequenter animadvertimus. Hæc sunt quibus nitimur, cum certiora decernere impossibile sit; sicuti de spiritibus animalibus, seu nervorum fluido idem planè affirmandum : eædem namque, & certè etiam majores, pro variis horum muneribus, habentur difficultates : vel enim spiritus uberius ad voluntatis imperium quòd ruant ad partes per nervos excogitare opus fuit ; cur autem id aliquibus nervis tantum, non omnibus contingat, satis ostensum non video. Spiritus alios voluntati, alios naturalibus officiis destinatos agnoscere; vel tubulos, excretioraque partibus naturalibus continuata, jugiter (pro incessante succi animalis ad hæc loca depluvio) patentia , reliqua verò ferè semper otiosa, & ad voluntatis duntaxat nutum referenda , & mille alia hujus census ingenii inventa legi; quæ vel natura non somniavit, vel, sibi tantum nota, in proprio adhuc sinu recondit. Si tamen cum communiori sententiâ standum sit, cerebri nervos spontaneis usibus, cerebelli involuntariis famulari decernente : sive liquidum ex se per nervos distillare supponatur, sive à Meninge, aut quovis alio premi; cum glandulo-

sus

ſus cerebri cortex, ab eoque emergentia, vafa materiam jam ſecretam deferentia, quin & ipſe ſanguis, tam ad cerebrum, quàm ad cerebellum, eadem ſemper (in naturali ſtatu) exiſtant, & eodem modo conformata; atque dura mater ubique ad cerebrum, cerebellum &c. conſtanter moveatur, tam voluntate imperante (& tunc paulò fortasſe validiùs, ſed æqualiter) quàm non (uti conſpicere poſſumus ex eo quòd irritata ſuprà cerebrum, & convulſa, muſculorum etiam motus in cane turbetur) videtur, quòd nec ſanguis, nec liquidum nervorum (quodcumque horum ſuppoſueris) nec Meninx, ad locum tantùm unicũ (pro diverſis ſpontaneis, & naturalibus exercitiis) ſive ad fluendum, ſive ad movendum determinari poſſint.

Quomodo igitur hoc, quod in naturã animadvertimus ſtare poſſit; ut ſcilicet uni eidemque facultati variæ actionum naturalium, & ſpontanearum energiæ, ac dependentiæ reſpondeant; ſi coniecturis locus conceditur; putarem ex inſtrumentorum mechanicã ſtructuræ varietate contingere; ad quæ, cum ejuſdem etiam movendi principii (ſive in nativo, ſive in non-naturali ſtatu conſtituti) ictuſ diſpenſantur,
juxta

juxta partis, ad quam pertingunt dispositionem, fabricamve, varios modos instrumento connaturales induant. Non minùs ac majoris elateris in horologio una virtus motiva, minoribus rotis, ac elateribus (pro horum formâ) motum varium elargiri videtur. Quòd itaque intestinorum, cordis &c. actiones, pro lubitu non mutantur, id peculiari mechanismo, quo hæc viscera constructa sunt, imputandum venit: importat enim quælibet textura peculiare sibi, & proprium robur, quo majus nisi è calvariâ depulat, nunquam alterari possibile est. Virtutem verò hujusmodi totam in spiraliarum fibrarum, cor, intestina, sphincteres &c. compingentium actione potissimum consistere, haud inverisimile est; cum musculos per rectas fibras (quamvis ad diversa plana dissimiliter inclinatas) simpliciori fabricâ compactos, faciliùs alterari conspiciamus. His omnium summa subdenda est ratio: quòd nempe partes, quas naturales appellamus, antagonistas careant, quibus ex naturâ, & pro lubitu ipsarum actiones divertere non permittitur: sicuti nec in musculo quovis, cujus antagonistæ facultas eversa fuerit, & per paralylin, puta, obruta; ejus inquam, cujus virtus intacta

intacta servatur , motum actionemque ex
 arbitrio (tamquam in corde , intestinis &c.)
 commutare non valemus . Cæterum ne in
 tam arduis , dum aliorum commenta de-
 spicimus , in deteriora facile labamur , à
 conjecturis ad experimenta , &
 observationes , tamquam
 ad firmiora rei fun-
 damenta , tran-
 scamus .

CAPUT V.

Experimenta , & observata practico-anatomica ad duræ Meningis usum roborandum spectantia .

N I H I L in re medicâ , & anatomicâ tutius , ac sensato viro dignius inveniri unquam potuit, quàm quod ab experienciâ, atque observatione practicâ depromitur , aut exauriendum esse , majores nostri, atque sapientiores indicarunt . Quidquid enim boni ad hanc usque diem & praxis , & anatomes habent ex accuratâ rerum, atque eventuum inspectione , non ex lubricis speculantium figmentis, promanavit ; abdita etenim naturæ , qui ipsam sectantur , non qui cogitant tantum , penetrant ; vel saltem minus periclitantur , qui ejusdem vestigia premunt . Quandoquidem ergò hanc mihi (pro virili) servandam methodum proposui , postquam de duræ Meningis usu aliqua (perquisitâ prius partis fabricâ) meditatus fui ; experimenta, atque observata practico-anatomica subdere censisui ; ut ex alteratâ Meningis , & adhæren-

tium partium functione , ejusdem naturalis status, usus, & mutua singularum dependentia meliori argumento confirmentur .

EXPERIMENTUM I.

Mense Majo anni 1700. Molossum in-
 sincipite sinistro terebrâ perfodiebam,
 & duram matrem delicatè absque ullâ læ-
 sione detectam , gossipio spiritu nitri parùm
 imbuto , & soli ossis foramini adaptato ir-
 ritabam . Canis vehementer ejulabat , sese
 undiquaque distorquens , quousque reno-
 vato sæpiùs gossipio , nunc spiritu sulphuris,
 nunc vitrioli , aliisque acribus vicissim ma-
 defacto , animal in somnolentiam , seu po-
 tiùs stupiditatem , & postmodum in tremo-
 rem planè incredibilem incideret . Dempto
 gossipio , ablutoque vulnere , intrâ octa-
 vam ferè horæ partem tremor evanescebat ,
 & canis quasi profundo somno expergef-
 ctus , oculos parumper grayi motu attol-
 lens , omni malo experts videbatur . Quoties
 irritantium spirituum intrusio repetebatur ,
 ad somnum priùs , postmodum ad tremores
 canis redibat . Demum immissum gossipium
 spiritu sulphuris modicè scatens , per duas
 noctes, & diem ità relinquebam . Postcà au-
 tem

tem ad canem rediens frigidos sinistros pedes , motuque prorsus expertes inveniebam ; dexteris verò calidiores , & convulsivis motibus per vices obnoxios . Spuma ex ore prolabebatur . Oculi, in gyrum aliquoties acti , non integrè claudebantur . Canis omninò absque sensu , cum respiratione parvâ, ac lentâ apparebat , quousque , post quinquaginta septem horas , imminuto pedetentim anhelitu moreretur .

Aperto diligenter cranio (ne Meningis situs subverteretur) fibrisque , per quas eisdem necitur , sensim recisis , duram membranam circa terebrationem sublividam , crassio rem , & gangrænâ affectam animadverti . Nil prorsus , vel sensibilibiter saltem , piæ matri communicatum , naturalis ejusdem color, atque crassities indicare videbantur ; id tamen peculiare habuit , quòd nempe propriâ reticulari expansione cerebrum , plusquam consueto more , strictius amplecteretur , ità ut hoc considerabilibus globis inæqualiter protuberaret . Cerebro per longum secto bini majores, ventres plurimâ serositate scatebant ; reliqui verò , & cerebellum præsertim, nihil à naturali statu dissidere comperiebam .

EXPERIMENTUM II.

Mense Junii ejusdem anni , terebrato paulò ad latus summitatis in lambdoidali futurâ canis robusti cranio , absque ullâ Meningum læsione ; animal in quiete permanebat, donec per aliquid asperum instituto forti Meningis contactu , strideret, & contorqueretur, quoties id cum molestiâ repeterem . Eadem hæc eveniebant, si palea, ante membranæ contactum, per alteram extremitatem intra vitrioli spiritum mergeretur . Si spiritui vitrioli aliquot spiritus tartari guttulæ adjungebantur ; canis ex mixtorum liquorum effervescentiâ , & fortiori contactu, vehementiùs, & diutiùs stridebat, ac contorquebatur ; inde post horæ quadrantis minutum denuò parùm quiescebat . Cæterum , cum ex canis strepitu , & fermentantium liquorum inditiis, hos ad duram usque Meningem pertigisse extra dubium esset , ad ipsorum quodammodo compescendam acredinem , per idem foramen vini spiritum ad guttas affundebam ; unde & canis quiescebat, ac paululum vegetus, hilarisque fieri videbatur . Verùm, brevi admodum, dissipato vini spiritu ; vel , ejus mixtu-

ra, tenuioribus factis, & penitiùs intromissis
 pungentibus liquidis, totum canis corpus,
 non modò secundùm omnes musculos, sed
 & universam cutim insigniter tremere cœ-
 pit. Ut autem certior fierem, an hujusmodi
 contractio ex membranis tantùm, an simul
 ex musculis proveniret; dextri femoris mu-
 sculos à propriâ etiam membranâ denuda-
 bam, qui miro quidem, sed violento modo,
 adhuc in tremore ad horam integram per-
 severabant; postquam animal denuò seda-
 batur. Reperto paulò post contactu ex vi-
 trioli spiritu, consueto more contorsiones,
 & ululatus recrudescebant; superinstillato
 autem vini spiritu, ad certam hilaritatem
 animal redibat; at mox inexplicabilis tre-
 mor, priori vehementior iterum invade-
 bat, cum respiratione rarâ, alta, & cum ster-
 tore mixta. Oculos lethargicorum instar
 clausos detinebat; quos, vocatus, aperiebat,
 caudâque aliquoties (signum internos sen-
 sus non omninò perjisse) ludebat; mox in-
 pristinum torporem incidebat; & cum ferè
 moribundus jaceret, si dum Meninx paleâ,
 acri spiritu imbutâ tangeretur, diris convul-
 sionum symptomatibus, non minùs quàm
 antea, corripiebatur. Solutis posthac vin-
 culis, animal in libertatem conjiciebam;
 ambulabat autem capite in terram protinùs

inclinato, ac si grave pondus gestaret; mox in terram labi videbatur, nec in pedes sese erigebat; &, cum per horas triginta, & amplius, cibum non assumpsisset, esculenta, tamquam sanus, comedebat. Post hæc, ad tabulam iterum ligabatur; &, post detersam, ab aliquâ grumescens sanguinis portione, foraminis peripheriam, lentè instillato ad guttulam unam, vel alteram vitrioli spiritu, stridor, ac contorsiones invalescebant; quæ, more jam designato, à spiritu vini paulisper mitescebant, invadentibus post dimidium horæ quadrantem, universali tremore, ac respiratione vitiosâ. Tandem, cum adhuc viveret, sectioni destinatus fuit; & aperto cranio, crassa Meninx, ex vitriolo parùm propè contactûs loca nigrescebat (ubi pariter & pia mater superficie tenus infecta videbatur:) & solitò crassior erat; consistentiam tamen ad maximam partem servabat. Cætera, vix notatione digna, præmitto.

EXPERIMENTUM III.

Octobris mense ejusdem anni, catulum propè sagittalem terebrabam, decoctum anodynum per dies quindecim assidue inji-

injiciens: post octo verò dies ipsum surdum, & sensibus penè orbatum observabam, quo- usque stupidus prorsum factus, cibis haud amplius se reficiens, levibus membrorum contorsionibus correptus, è vitâ decesserit. Secto cranio futuræ filamenta elongata, ac duram Meningem plusquàm par sit à cranio distitam, flaccescentem, subalbam, & circà terebrationem, ex decoctionis tincturâ, flavescentem conspexi. Nil quidquam aliud, quod naturæ non responderet, intrâ calvariam repertum fuit.

EXPERIMENTUM IV.

CUM decoctum ex emollientibus, præ adstantis cujusdam incuriâ, me inscio, adhuc fervens siphunculo in foramen ad centrum occipitis in altero cane, injiceretur; animal illicò immanibus spasmodicis corripiebatur, & brevi interibat.

O B S E R V A T I O EXPERIMENTALIS.

D Elicatulam quandam catulorum species (vulgò *di Bologna*) fossulam ad os frontis habentium, animadverti, quibus, si caput vel leviter aquâ, vel molli alio liquore abluatur, facilè visus habetatur, & suffusio inducitur. Hoc sæpiùs evenisse comperit habui: & matrona quædam, quoties catulæ suæ, id præ lavacro, accideret, pulvere ossis sepiæ oculis ad plures dies sufflato, oculos, & visionem in pristinum restituebat.

OBSERVATIO ALTERA.

Longum valdè foret experimenta, quæ peregi, singulatim exponere, cum ad rem nostram aliqua indicare sufficiat; dum pro diversorum liquidorum (quibus experimentum tentabam) copiâ, vel penitiori, aut pigriori, ac superficiariâ penetratione; majora, vel minora, citiùs, aut tardiùs astringentia phænomena solùm ostenduntur. In id tamen continuò operam diligenter impendere conabar, ut ad crassam tantummodo Meningem liqui-

liquidī molesta sensatio perveniret . Hoc etiam animadvertere licet, quòd crassa robustiorum animalium membrana illatis impressionibus meliùs, quàm in tenellis resistat . Horum enim terebrato ad sinciput cranio, ac paleâ, vel hastulâ consimili, percussâ durâ matre, aliqualis lateris motitatio percipiebatur; & si hastulæ extremitas priùs in spiritum vitrioli immergeretur, vel una, aut altera hujus, vel analogæ naturæ liquidiguttula in foramen instillaretur, immanes statim convulsiones suboriebantur; quibus totius lateris paralyxis, & non multò longè mors succedebat . Peractò in lactentibus hædis simili experimento, illicò convulsi interibant .

At enim verò, cum in his (non minùs quàm in reliquis naturæ abstrusioribus) indagandis, quempiam hallucinari perfacile sit : Amicum in hac arte versatissimum, *D. Joannem Baptistam de Toppis* consului, ac per literas, ut ad duræ Meningis usum indagandum periculum in brutis faceret, obnixè rogavi . Placuit ergò nonnulla circa hanc rem ab Amico ad me transmissa opportunè hîc inferere .

A M I C E .

„ **C**UM tractatum de novis Meningum
 „ functionibus publicæ censuræ per te
 „ committendum scripseris ; nonnulla tuam
 „ sententiam firmantia, à me (quod amice
 „ postulasti) observata , tibi exarare satius
 „ censui : non quòd fulcimentis tua indi-
 „ geant studia ; sed ut tuis nutibus indul-
 „ gens, meæ erga te necessitudinis signa,
 „ confirmem. Et quidem , cum *Romæ* pri-
 „ mò viderim tuâ operâ denudatum mu-
 „ sculum , solis relictis tendinibus , adhuc
 „ propriis fibris moveri , suspicari mens cœ-
 „ pit, motûs originem non solis nerveis fi-
 „ bris, aut succo ipsis influo deberi ; sed, tam-
 „ quam ex principio, proprias musculorum
 „ fibras aliundè motum adipisci &c.

Rem prosequitur ad vim solidorum atti-
 nentem , quam alio tempore exponere o-
 pinor .

EXPERIMENTUM I.

„ **U**T ergò ad tua redeam . Elapso men-
 „ se Martii vivo cane in occipitio sub
 „ lambdoidali, tuis suasionibus , terebrato ;
 „ ejus duram Meningem pluries stylo, & pa-
 „ leis irritavi ; sed , cum canis forti conatu
 „ distorqueretur, nam convelleretur nec ne,
 „ animadvertere sat non fui . Inde spiritum
 „ vitrioli intus foramen immisi, qui statim
 „ rejectus fuit ; quo sæpiùs, eodem cum
 „ eventu , repetito ; duram quoque Menin-
 „ gem à terebrâ antea læsam, mox à stylo
 „ infractam agnovi . Hinc , immisso iterum
 „ spiritu vitrioli, foramen digito clausi : in-
 „ terim canis ejulatibus , vehementique co-
 „ natu agitabatur : Ast post horæ quadran-
 „ tem, his omnibus sensim debilitatis, placi-
 „ dè vivere visus est ; quousque stertere in-
 „ cipiens , profundo somno obrutus appa-
 „ ruit . Convulsivi interdum insultus inva-
 „ debant, quibus pedes tantummodo subito
 „ contracti , naturali tensione citò destitue-
 „ bantur . Iteratâ spiritûs injectione, canis ad
 „ pristinos ejulatus rediens , totus convelle-
 „ batur, quousque ad quietem , ad profun-
 „ dum

„ dum indè somnum , cum altâ rarâque res-
 „ piratione , reverteretur . Injuncto iterum
 „ spiritu vitrioli , post modicum temporis ,
 „ tremor totum canis corpus invasit ; ita ut
 „ nec minimus numerati posset musculus ,
 „ qui , tremoris expers , insigni trepidationis
 „ motu non concuteretur : hoc diutius per-
 „ severante , tandem dissolutum canem (solo
 „ fræno ori relicto) dimisi : Ebrii ad instar
 „ ille surgere tentans , in terram collabeba-
 „ tur ; extremâ tamen vi pollens ; dum fræ-
 „ num , crassitie non mediocre , ori relictum
 „ pedibus rumperet . Plurimum bibit , &
 „ paulatim vulnere ad cicatricem perducto
 „ ad sexaginta tres dies omnibus naturæ
 „ functionibus , ferè in integrum , vacavit :
 „ quamvis post quadragesimum cæcus , ob
 „ apparentem suffusionem , evaserit . De-
 „ mum tedio affectus , viventi primùm pe-
 „ ctus aperui , ubi nihil à naturali statu di-
 „ versum (quod viderim) apparuit .

„ Secto cranio dura mater ; ubi transfossa
 „ fuerat , eidem fortiter adhærebat ; & circu-
 „ lus sublividus circa vulnus imprimeba-
 „ tur , colore alteri parti non respondente .
 „ Pia Meninx omni prorsus noxâ incolumis
 „ persistit ; & cum oculos diligenti cultro
 „ examinassim , aqueum humorem limpi-
 dum

„ dum, prout in fanis , penitus inveni ; sed
 „ coroneam crassiore , quàm par sit , &
 „ minimè pellucidam ; ast alterâ veluti mem-
 „ branâ duplicatam ; quamvis eandem sepa-
 „ rare , ac bipartiri nequiverim .

EXPERIMENTUM II.

„ **D**IE primâ Junii , altero cane in sinci-
 „ pite dextro terebrato , per undecim
 „ dies , septies , & octies quaque die oleum
 „ amygdalarum dulcium , & decocta emol-
 „ lientia (ut suasisi) ex herbis malvæ , vio-
 „ larum , seminibus lini , & similibus infusi .
 „ His tamen non obstantibus , parumper
 „ crescente carne , & cicatrizzato vulnere ,
 „ canis convaluit : & licèt post mensem cæ-
 „ cus evaserit , per quadraginta dies ipsum
 „ incolumem servavi , & demum secui , ni-
 „ hil præterquam in oculis veram suffusio-
 „ nem observans .

EXPERIMENTUM III.

„ **D**IE tertia Julii , catulus octo dies na-
 „ tus , in sagittali terebratus , vix qua-
 „ tuor

„ tuor injectiones ex anodyno decocto pas-
 „ sus occubuit; nihil observatu dignum ana-
 „ tomico cultro relinquens .

EXPERIMENTUM IV.

„ **D**IE primâ Septembris catulam men-
 „ sium trium in occipitio sub lambdoi-
 „ de perterebravi , & infuso sæpius spiritu
 „ vitrioli, dum ipsam tremor invasit , mus-
 „ culum subpopliteum, solâ relictâ membra-
 „ nâ, denudavi; & licèt intentis oculis inspi-
 „ cerem , rectè , an obliquè moveretur di-
 „ scernere distincte haud poteram ; dum
 „ musculus jam crassescens , & postmodum
 „ gracilior factus , veluti trepidationis mo-
 „ tu obliquè pariter contrahi repræsentaret.
 „ Interim à propriâ membranâ diligenti
 „ cultro ipsum separans , inæqualiter per
 „ rectas fibras parùm contrahi , & vermium
 „ ad instar peristalticè moveri animadverti :
 „ quo motu diutiùs perseverante , motiones
 „ quasdam magis contractivas per vices eli-
 „ cere novi . Interea temporis , catulâ in-
 „ somnum prolabente, motus finiebatur ; &
 „ iteratis injectionibus , quamvis obscurior,
 „ renovabatur; quousque catula moreretur;
 „ quam

„ quam ; ob instrumentorum defectum , se-
 „ care non potui .

EXPERIMENTUM V.

„ **D** IE quartâ currentis ; cani in fronte
 „ terebrato , priusquam liquorem ul-
 „ lum in foramen intruderem , musculos
 „ ambos subpopliteos à reliquis divisos, om-
 „ ni diligentia ab investiente membranâ de-
 „ texi : inde inversis communibus cranii in-
 „ tegumentis, quibus foramen contegeram ,
 „ & factâ spiritûs sulphuris injectione ; post
 „ horæ quadrantem, canem somnus, & con-
 „ suetus tremor invaserunt . Statim detecto
 „ musculo primo intuitu contractionis mo-
 „ tus clariùs innotuit ; sed postea confusus ,
 „ & supradictis similis factus est . Musculo
 „ per longum in ventre secto , adhuc idem
 „ motus suboscuro inerat : & indè per me-
 „ dium transversim resectus , & ad extremi-
 „ tates retractus, vix per quartam horæ qua-
 „ drantis partem , motum sustinuit , ad
 „ utramque partem deinde flaccescens. Ulte-
 „ riorem indaginem agrotantium negocia,
 „ abstulerunt ; & tua, quam pro typis habes,
 „ temporis angustia, & sollicitatio , ad alia
 pro-

„ protrahere non sinunt . Hæc interim can-
 „ didè peracta tentamina benigno animo
 „ excipe, & tuis, si digna censueris, adde;
 „ meque amare perge .

Dabam ex Terrâ Arsularum tertio
 Kalendas Octobris anni 1701.

Tui amiciss.

Joann: Bapt: de Toppis .

Experimenta quamplura , quorum potiora superiùs exposui , & ipse pariter amicus , consimili eventu instituta ad me misit ; undè ne longior frustra fierem , ea omittere libenter concessit . Ut ergo ad alia transeamus ; Observationes aliquot , quas praxis suppeditavit , aggrediamur .

OBSERVATUM I.

Puer annos natus duodecim , circa vigesimam septimam Februarii diem anni 1693. ex lapsu ab alto percussus fuit in vertice ; ubi , abraſo capillitio , nec cutis læſio , nec ossis depressio conspiciebantur ; cibaria nihilominus , & bilem vomebat ; stupor aderat , ac insignis internorum sensuum hebetudo . Post horas , recurrente identidem spasmus , universum corpus fatigatum , per tres subſequentes dies pari passu , unà cum dentium stridore , concutiebatur . His , sinistri lateris paralyſis supervenit , sensu superstite ; indè segnior urinæ , alvinarumque fæcum excretio , frequens oscitatio , & similia affectum deteriorem indicabant : nullum tamen febris inditium , nec minima spirandi angustia , apparebat . Pulsuum expansio , majorem ,

H mino-

minoremve capitis gravitatem sequebatur . Ægrotans quascunque impressiones excipiebat ; rogatus enim , inoffensæ partis brachium porrigebat , oblata quævis manu tenaciter perstringens , & citò quidem obtemperans : verùm interrogatus non respondebat , oculis semper clausis jacens , & punctus , vix eos aperiens ; sed non dormiebat . Circa undecimam interni sensus paululum reviviscere cœperunt . Duodecimâ verò oculos aperiebat , & in sinistro latere levis motus manifestabatur . Linguam , quam antea immobilem servaverat , extra os porrigebat . Decimâ sextâ caput iterum turbari , & partium motus obscurari videbatur ; quæ omnia post bidduum , aliquo cum vocis inditio , in melius resurgebant . Curabatur intercâ æger in *Archiospitali Consolationis de Urbe* consilio eruditiss. Viri *D. Bartholomæi Santinelli* , Xenodochii hujus Medici Primarii ; qui post depleta per sanguinis missionem , & leves purgatiunculas , vasa , ad stimulos aliquot extrinsecus applicitos , & demum ad topica pervenit , catulum per medium dissectum , & sinapi conspersum capiti superimponendo . Postridie infirmus distinctius loquebatur : mihi que posthac retulit , se , toto morbi decursu singula , circâ ipsum gesta , sicuti & ad-

stan-

stantes familiares , rectè novisse . Interca ,
functiones in pristinum sensim redibant , &
partium motus confirmabatur : Nam ; &
primò quidem grallis deambulabat , mox
debilioris baculi sustentaculo nixus : tan-
dem trigesimâ quartâ die ab Hospitali
abjit , & integrè sanatus est .

OBSERVATUM II.

DIE quartâ Martii anni ejusdem , vir
annum agens quadragesimum cecidit
ab alto , & in sinistro sincipite vim passus
est . Stupor statim ipsum excepit , rerum
actarum oblivio , vomitusque materiæ bi-
liosæ . Paucis abhinc diebus , absque ullâ
sensibili sanguinis , alteriusve fluidi excre-
tione (excepto sanguine per venam edu-
cto) in pristinum mentis functiones re-
dintegrantur ; obversantibus tamen in
somnia turbulentis phantasîæ spectris . Post-
hac lenta supervenit febris , & , coctionis
tempore , dolor circa stomachum , ac in
regione jecinoris acutus valdè , & fixus ,
omnem tactum refugiens . Septimâ die sub-
oritur singultus , qui deinceps intenditur
recrudescente pariter bilis vomitu . Ægro-
tus interim mente constat . Undecimâ no-

de levi , ac inæquali rigore corripitur . Duodecimâ die intenditur febris : & singultus : pulsus vix , & inæqualiter expanditur ; respiratio gravior fit ; & brachia tepescunt . Decimaquintâ die , institutâ in sincipite sinistro perterebratione , parvæ puris guttulæ ex orificio prodire . Die sequenti icterus superinductus est , cum enormi , & sæpius repetente totius horrore . Quare horâ pomeridianâ æger interijt .

In dissecto cadavere , utraque sincipitis sinistri lamina fracta inventa est ; ubi quoque dura Meninx exteriùs semiputris , & livescens erat . Tota cerebri , ac cerebelli corticalis , & medullosa substantia nullo vitio , vel levissimo , signabatur ; majoribus exceptis ventriculis , qui (fortassè præ membranarum constrictione) sero turgabant . Pectus nil insigne ostendebat . In abdomine hepar (dextrorsum præcipuè , & superiùs , quâ diaphragma , costas , & spinam respicit) in immensam molem excreverat ; exteriùs verò intenso nigrore deturpabatur ; ubi & tubercula aliquot tartaro plena insidebant . Interiori in parte abscessus viscebatur , sanguine , & pure turgidus , disruptis glandulosis acinis . Biliaria vesica , consueti succi loco , materiâ sanguinolentâ implebatur . Eiusdem verò membranæ

branæ crassissimæ erant. Hæc autem , sicuti & calculosi tumores , ex præcedentæ partis morbosâ constitutione , probabiliter pendeabant.

OBSERVATUM III.

S Eptuagenarius quidam vulnus in occipite , nullis pravis signis comitatum , accepit . Cum verò post octuagesimam à decubitu diem , à Chirurgo pro ossis , paulò Meningi hærentis , extractione , prope futuram lambdoideam tentaretur ; repente universali concussione , partiumque singulorum refrigeratione correptus fuit ; sudore infuper gelido , pulsu imperceptibili , doloreque ad intestina : hoc evanescente , tensio in abdomine apparuit , manuum pressioni aliquoties extrinsecùs cedens , interiùs verò dolorifica , cum inflatione , exquisitiorique dextri hypocondrii sensu . His accessit bilis vomitus , & , tertiâ die , ærumnarum finis , mors .

In capite dissecti cadaveris observata , fuit dura Meninx , quâ vulnus , sive os respiciebat , crassiuscula ; interiùs verò muco oblinita , cum inter ipsam , piamque Me-

ningem serositas aliqua stagnaret . In
 thorace, nil notatu dignum reperiēbatur .
 Intra abdominis autem cavum, abscessus
 insignis in hepatis gibbo latebat; ex quo
 feri , ac puris crudi copia in abdominis
 capacitatem profluxerat : lien
 albidus, ac membranaceus
 omentumque flaccidum
 viscebantur .

CAPUT VI.

Ad exposita experimenta, & observata, Animadversiones.

S A T I S jam novi optimæ eruditionis Viros, lectâ vel cursim præcedenti Experimentorum, Observationumque serie, non multo cum labore, judicium suum laturos: quapropter parvula hæc Appendix in totum supervacanea existimari poterit: cum cuilibet sanæ mentis homini, juxta ea quæ cogitat, vel rectè præconcepit, ad rationabilem sententiam Experimenta, ac Observationes trahere, omnemve conatum ad id adhibere concedatur. Veruntamen (etsi sub communem mea hæc Opella cadat censuram) quoniam eos potissimum alloquor, quibus mens adhuc Sententiis libera, vel non adhuc tutus arguendi modus est: in horum gratiam (scilicet tyronum) sequentes pagellas inscribo.

Ex primo Experimento (idem die proportionaliter, de reliquis) vim duræ Meningis usumque elicere satis possumus;

cum ex ipsius gangræna , motûs privatio in sinistro latere , cranii foramini respondente , inducta fuerit : quandiu enim membrana consistentiam sustinere valuit , irritantium contactu agitata , convulsivas affectiones peperit ; quæ , enervatâ (vi erodentium liquidorum) Meningis contexturâ , ac per consequens compressivâ ipsius virtute , in parte , jam collabente ; in oppositum statum , videlicet ad paralysem animal convertebatur . Neque huiusmodi motûs defectio , ex vi succum nervosum coagulantis liquidi , deduci potuit : quamvis enim subtiliores aliquæ ipsius particulæ corticales glandulas attingere possibile fuerit ; id tamen auræ potius ad instar (tanto effectui imparis) quàm aliâ ratione evenisse credendum ; cum nec pia Meninx , nec corticis cerebri superficies , vel levi tincturâ inficerentur . Hæc autem probabilia esse , alterum confirmat Experimentum ; quo , licet crassa Meninx , & piæ superficies nigrore , per acres spiritus inducto , offunderentur ; canis nihilominus , solutis vinculis , quampluribus vitæ muniis vacabat ; comedebat enim , stare aliquantisper poterat , aliaque peragebat , quibus liquidum nervorum , nullam in-

fecer.

fecerniculis remoram passum, & Meningem vim penitus non amisisse indicabatur. Verum, si intimius res expendatur, cum in hoc primo cane cerebrum veluti protuberantiis ad utramque partem refer-
tum, post sectum cranium, apparuerit, rationabile videtur, quod (si id convul-
sioni tribuatur) animal utrinque pari pas-
su convelleretur; vel (si lentori, aut jam-
condensato nervorum liquido imputetur)
utrumque latus motu ex æquo careret;
cum tamen in sinistris tantum id conti-
gisse scriptum, observatumque reliqueri-
mus.

Animadversione perdigna est observa-
tio, quæ non modò Meningis, & partium
commercium palam facit; sed & partes
dexteræ cum dextro Meningis, sinistras
cum sinistro latere (quod perpetuò in bru-
tis experiundo, & in capite affectis disse-
cando observatur) participare ostendit.
Talia autem ejus structuræ meritò respon-
dent, quæ ad utramque membranæ par-
tem, dextram & sinistram, mirabili, æ-
qualique artificio insculpta est. Hinc quan-
ta elucidentur phænomena, vix dici po-
test. Per brutorum enim experimenta,
& repetitam cadaverum sectionem didi-
ci,

ci , quantum ad optimam valetudinem ; Meningem æqualiter utrinque contextam esse intersit : ex diuturnis enim , & violentis quibusdam alterius capitis partis , vel totius affectionibus , structura in parte tantum , aut in toto labefactata , pro re natâ , reperitur . Cur uno sincipite percusso , oppositum latus paralyticum fiat , facilius mox esset explicare : cum enim hoc , non perpetuò , sed aliquoties , & in aliquibus tantummodo accidat ; suspicari licet , quòd percussâ unâ cranii parte , cui os crassius , vel firmior Meningis adhæsiō , ex naturali fortuitò constitutione donetur , alterâ , ac oppositâ (quoad horum unum , aut utrumque) infirmiori existente ; dum concussio ab ictu excitata violentiùs (sicuti in cranio similiter contrassura produci solet) in contrarium latus fortè impingit ; membranæ , ejusque suspensoriarum fibrarum laxamentum , seu elongationem quandam illuc inducere , ne compressioni sufficienter apta perseveret .

Quòd respiratio , musculorum motus , & similes corporis actiones , ex duræ Meningis irritamento in brutis (prout experti sumus) alterentur , haud minori notatione indi-

indiget . Puto enim , si pulsum in his manu percipere daretur , cordis quoque motum eclipsin aliquam ostensurum : sicuti vulneratâ in viris durâ Meninge , ex pulsu , cordis motum , ventriculi &c. inverti frequenter conspiciamus . Ex his autem Meningis cum toto necessitudo (quomodolibet fieri supposueris) comprobatur .

Notandum est insuper , locorum cranii (ubi terebrationes , injectionesque instituuntur) diversum situm , majus , minusve periculum portendere : Citissimè enim periclitantur bruta , si ad sagittalem futuram periculum fiat ; ob subjecti non modò sinûs concidentiam , ac compressionem ; ast pariter præ languente *falcis* (laxatis è directo ejusdem dorsi adhæSIONIBUS) actione , atque *interseptorum* pernecessariâ elevatione simul enervatâ : quod similiter non evenit terebrato ad occiput animali ; nisi enim Meningis utrinque ad lambdoidalis summitatem validus nexus terebrando solvatur , nec *falci* , nec *interseptorum* energiæ tanta noxa infertur , ac si intra aliam cranii partem , sylvestris naturæ fluida injiciantur . Ob hanc causam dubitandum meritò est , canem in-

secun-

secundo Experimento ad occiput perfoſum , diutiùs vitam , & minori cum moleſtiâ protraxiſſe . Cum tamen in his , cæterisque brutis interna cranii ſtructuræ , & Meningis plicaturæ diſſimili , ab homine , more conſtructæ , & extenſæ ſint ; veriſimile eſt , ſi talia in viris iniri poſſent tentamenta , præ grandiori cranii , & Meningis craſſitie , atque amplitudine , pejora procul dubio eventura ſymptomata .

Ad utrumque ſinciput majus etiam , quàm in occipitio (cæteris paribus) per terebrationem , & injectiones impendet damnum ; eò quòd , ſolutis , laxatiſve , fibrularum ſuſpenſoriarum connexionibus , & Meninge (quæ à ſummo gravitat) ſupra cerebrum concidente , compreſſionis actio fruſtretur . Quæ pericula in occipite minora videntur ; quoniam *caudex* , adſtanſque textura minùs ſuprà cerebellum pendent , cum ad poſteria , ac veluti pendula exporrigantur .

Sicuti dura Meninx perfacilè à ſtimulis convellitur ; ità difficiliùs per emollientia laxari patitur , præſertim ſi bruta non ſint tenella ; ut ex catulo tertii noſtri Experimenti , & cane ſecundi à *Jeanne Baptiſtâ de Toppis* adducti , facilè deduces . Antequam

requam verò propria Meningis textura, mollitudinis vitium concipiat, suspensoriæ fibræ prius semper relaxantur. Item, sicut crassa Meninx robustioris, præ alterâ delicatioris bruti erosivis liquoribus, ita & laxantibus, quia firmior est, tardius occumbit.

Curiosa est illa *suffusionis* species, quæ post sæpius ablutam Meningem, quin, & catulorum (quos recensui) caput vix humectatum, ex simplici corneæ (& forsan continuatæ membranæ) laxitate, crassitieque, absque humoris aquei vitio, & asperis topicis facilè cedens, inducitur. Quod hujus morbi ethiologiæ, ac curativæ aliquando conferre potest.

Exposita in primo Observato paralyxis post convulsionem phænomena, potissimum crassæ Meningis vitio deberi, non extrâ rationem opinatus fui. Quamvis enim ex particulis nervos primùm irritantibus, mox ad horum originem, vel intra ipsorum cavum congestis, hæc communiter explicentur, aut explanari possint: in nostro tamen casu rem diversimodè concipiendam plura demonstrant: etenim si materia in nervis impacta supponatur, dum morbus ad solutionem

tendit , ea vel per febrem (sicuti apoplexias , & paralyfes humorales evanescere videmus) vel sudorem , aliamve sensibilem excretionem (quarum nullum habuimus indicium) dissipanda erat . Neque expectandum quòd , catulis capiti applicitis , humor in nervis impactus resolveretur ; cum communia capitis tegumenta , cranium ipsum , & alia penetranda , hoc valdè arduum indicent . Ex adductâ ergo historiâ rationabilibus videtur , percusso capite , succingentem Meningem (præ aliquâ concussione) vel adhæсионum , vel texturæ positûs æquabilitatem amisisse ; ut inde ejus contractionum irregularitate subortâ , insequens violentia partium commotio tandiu perseveraverit ; donec penè fatiscente suspensoriorum filamentorum tensitate , Meningis tensio , ac restitutio enervata , cerebri compressio imminuta , & convulsio in paralyfin (sicut in brutis experiundo didicimus) conversa fuerit : quod symptoma (juvenili robore coadiuvante) haud meliùs sublevari , & penitus everti potuit , quàm stimulis (ex sinapi) calenti , ac ferè aromatico fluido (cujusmodi caninus sanguis existit) immixtis ; quorum asperitate , te-

gu-

gumentis , & cranii perioſtio quadante-
nus ſe criſpantibus , continuatæ uſque ad
Meningem fibrillarum propagines , pro
modulo breviari , ad os duci (quod &
doctè ſentiebat præcitatus *D. Santinellus*)
& membranam ſecum trahendo , in priſti-
num ſitum , uſumque reſtitui contigit ;
ut æger abſque febre , aut fluidi evacua-
tione ullâ , in integrum , & facilè , ſanatus
abjerit .

Quid in ſecundo Obſervato dubitandum
ſit , non video ; cum ſolius Meningis de-
tectum , poſt capitis ſectionem , viſum ,
nos ſatis de hac re certos faciat . Et quam-
vis , dum actû caput fortuitò concutitur ,
quælibet intra cranium pars ſolida , & flui-
da quodammodo motus , actioneſque pro-
prias cogatur confundere ; ut primus illi-
cò invadentium ſymptomatum inſultus , ſin-
gulis deberi videatur : ſuperſtes tamen par-
tis poſt obitum defectus , morbi , mortif-
que cauſam evidenter nimis indicat .

In tertiâ historiâ ægrotantem legis vul-
nere capitis gravatum , abſque pravis con-
tentarum cranii partium notis , ad octo-
ginta dies vixiſſe ; & ab imperiâ ſolum-
modo , offis nondum à Meninge ſecedentis ,
extractione , convulſionibus correptum :
poſt

post quas, ob senectam, vel fortasse imbecillam simul viscerum constitutionem, contractis fibris, strangulatis vasis, fluidisque interceptis, ichorosum apostema quasi repente, & inevitabilis mors successit.

F I N I S.

FIGURARUM OMNIUM;
ad duram Meningem spectantium,
Expositio .

TABULA PRIMA.

FIGURÆ EXPLICATIO.

Dura Meningis Mulieris ,
ob vlnus capitis interem-
ta , portio superior incrassata ;
unicum tantum latus cum fal-
ce , & lacertis , posterioris fi-
brarum glomi vestigia , & in-
tersepti portiunculam adnexam ,
exhibens .

AAAA Meningis dimidia concavitas ce-
rebrum complectens .

B Falcis pars anterior tendinea ,
& reticularis , in os ethmoi-
deum inserta .

C Tendo subrotundus , parum ex-
tensus , in parte infimâ , ad
basin falcis locatus , & in me-
dio interseptorum insidens .

DDDD Situs , ubi Meninx in falcem

curvatur , & hujus dorsum
respondet .

eee

Lacerti Pyramidales ; eorumque
pars veluti tendinea ; & u-
traque , inferior , & superior
fibrarum , in falcem , & Me-
ningem insertio .

F

Lacerti pyramidalis morbosè re-
laxati effigies .

G

Fibræ posterioris lacerti ex pyra-
midalibus ad subrotundum ten-
dinem inclinantes :

H

Lacerti pyramidalis anterioris pro-
ductio , falcis dorso adstans ,
& ad os ethmoideum propen-
dens .

iii

Posteriores falcis lacerti à Me-
ninge orti , cum propriis fibra-
rum expansionibus , in subro-
tundum tendinem insertis .

L

Lacertorum segmenta , ad inter-
septum , & subrotundum pari-
ter tendinem spectantia .

mmm

Fibrarum glomum posteriorem
constituentium , è tergo postre-
mi lacerti (in Meninge ad-
modum

*modum incrassatâ) erumpen-
tium , vestigia , in subrotun-
tundum tendinem implantata .*

n n n

*Vestigia fibrarum , internum Me-
ningis planum contexentium ,
ad falcis dorsum anterius , in
valdè iucrassatâ membranâ ,
conspicua .*

TABULA SECUNDA.

FIGURÆ EXPLICATIO.

Exhibet hac figura unum ex
ejusdem Meningis interse-
ptis parumper extensum , eâ
in superficie , quæ cerebri fun-
dum respicit .

a a a Intersepti convexitas , sive pars
exterior ad occipitis circumfe-
rentiam infixa .

b b Pars ejusdem interior , posteriori
falci basi lateraliter adnexa ,
sub quâ quartus sinus locatur .

c c Limbus interior intersepti , foramen
ovale constituens , parùm ex-
tensus .

d Subrotundi tendinis portio falci
communis .

e Sinûs lateralis foramen ad jugu-
lares tendens .

ffff Lacerti per interseptum extensi .

g g Fibrarum crassiorum vestigia ad
intersepti limbum valdè con-
spicua .

T A-

TABULA TERTIA.

FIGURÆ EXPLICATIO.

E Xhibet figura ista inverſam Meningis cavitatem, intrâ quam cerebellum clauditur : caudicem pariter cum propriâ expansione, ad magnum uſque foramen ovale, in totâ ſuperficie interſeptorum inferiore, ſuprà idem cerebellum ſtratâ. Hæc autem cavitas arctâ adeò apparet, quia Meningem, poſt longam mollituram in aquâ com. & aceto, jam elixatam repræſentat.

A Caudicis radix propè foramen Cranii, ad egreſſum ſpinalis medullæ implantata.

b b Caudicis radicis latera.

C Caudicis rimula.

D Caudicis pars inferior, eiſque chordarum invicem ſuperequantium textura.

eeee *Mirabilis, & arcuata ejusdem
expansio, ad magni usque fo-
raminis ovalis limbum.*

f *Magnum foramen ovale contra-
ctum, per quod cerebrum in
spinam elongatum egreditur.*

gg *Sinuum transversalium foramina
in jugulares biantia.*

H *Anterior Meningis extremitas
secta, quæ ossi sphœnoidi com-
mittitur.*

iii *Meningis concavitas caudici ad-
stantes lacertulos, ipsorumque
productiones, excipiens.*



TABULA QUARTA.

FIGURÆ EXPLICATIO.

EXhibet segmentum magnum
duræ Meningis incrassatum ,
& elixatum ; falcem , & la-
certos pyramidales (inferius
præsertim ab omni colligantiâ
sejunctos) cum transversis ho-
rum ligaturis , continens : ubi
& intimum , seu primum , fi-
brarum stratum , unâ cum
utriusque glomi structurâ , mu-
tuâ continuatione , & reliqua-
rum fibrarum tendentiâ pan-
ditur .

a *Falcis extremitas anterior con-*
tracta .

b *Subrotundus tendo pariter con-*
tractus .

a . b *Falcis longitudo breviata , ejus-*
que infimum limbum repræ-
sentans .

- cc Fibræ primi strati convolutæ , & contractæ , ex anteriori falcis dorso erumpentes , & ad frontem inclinantes .
- d Fibræ , quæ glomum anteriorem in hoc strato constituunt ; commune , & cordis ferè figuram innuentes .
- ee Earundem eruptio è tergo postremi lacerti , curvatura , & productio in posteriorem glomum .
- ff Reliqua fibrarum expansio deorsum , & retrorsum per Meningem ducta .
- ggg Pyramidales lacerti impensè contracti , cum suis productionibus in falcem , & glomum posteriorem .
- hh Lacerti posteriores pariter contracti .
- ii Fibrarum primi strati vestigia , sub lacertorum pyramidalium productionibus conspicua , & ad extrema usque falcis perducta .
- ll Ostenduntur vincula aliqua transvers-

versalia in pyramidalibus la-
certis, dorso falcis lateraliter
innixa.



TABULA QUINTA.

FIGURA PRIMA.

Exhibet segmentum laterale
cavitatis cerebelli, cum la-
certulis caudici adstantibus, &
reliquâ fibrarum crassiorum,
in continuato latere, expan-
sione.

a a Pars inferior magno occipitis fo-
ramini affixa.

b Pars superior, & interior ad fo-
ramen ovale tendens.

c Membranae elixatae crassities, quâ
caudicis lateri adnectitur.

d Sinûs transversalis foramen, san-
guinem in jugulares vehentis.

ccc Lacertuli.

ff Fibrarum stratum sub lacertulis
excurrentium.


g Lacerti, seu potius, fibræ crassio-
res continuati lateris simul coe-
untes, ad foramen ovale in-
clinantes, cum substratarum fi-
brarum vestigiis. Fl-

FIGURA SECUNDA.

Exhibet segmentum posticum ,
 & superius elixata Menin-
 gis , cujus planum fibrarum
 intimum crispatum , intestinu-
 lorum convolutioni simile ap-
 paret .

- a a* Sinus tertius , sive longitudina-
 lis , per medium sectus .
- b* Superior postremi pyramidalis la-
 certi , per medium secti , ex-
 pansio .
- c* Sinus tertii extremitas in late-
 rales inclinata .
- d d* Fibrarum glomus posterior , ha-
 ctenus ostensis , per longiorem
 cocturam , fortius contractus .
- e e e* Interioris strati fibræ similiter in
 formam intestinulorum contra-
 ctæ , & convolutæ .

Finis Explicationis Figurarum .




Tab. I.






Tab. 2.





Tab. 3.



Tab. 4.



Tab. 5.

Fig. P.^a




Fig. Sec.^{da}

